

支那

卷之二十一

四

華嚴經疏鈔

六十三人  
六十四

C40  
4514



10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

C40-4574



B 64853

大方廣佛華嚴經疏鈔卷第六十三

于闐國三藏沙門實叉難陀譯

清涼山大華嚴寺沙門澄觀撰述

入法界品第三十九之四

爾時善財童子一心正念法光明法門深信趣入專  
念於佛不斷三寶歎離欲性念善知識普照三世憶  
諸大願普救衆生不著有爲究竟思惟諸法自性悉  
能嚴淨一切世界於一切佛衆會道場心無所著。

疏第四彌伽寄生貴住亦具六分第一依教趣求  
中二先念前友教十句初總卽前所得法門深信

撰述

聖嚴正金卷之十一

已下皆別起觀脩文顯可知。鈔寄生貴住者。生

佛法家種性尊貴故。

漸次南行至自在城求覓彌伽。

疏後漸次下趣求後友。

乃見其人於市肆中坐於說法師子之座。千人衆所共圍繞。說輪字莊嚴法門。時善財童子頂禮其足。繞無量匝。於前合掌而作是言。聖者。我已先發阿耨多羅三藐三菩提心。而我未知菩薩云何修菩薩行。云何修菩薩道。云何流轉於諸有趣。常不忘失菩提之心。云何得平等意堅固不動。云何獲清淨心無能

沮壞。云何生大悲力恒不勞疲。云何入陀羅尼。普得清淨。云何發生智慧廣大光明。於一切法離諸暗障。云何具無礙解辨才之力。決了一切甚深義藏。云何得正念力憶持一切差別法輪。云何得淨趣力。於一切趣普演諸法。云何得智慧力於一切法悉能決定分別其義。

疏第二。乃見其人下。見敬咨問中。三初是次敬。後而作下咨問。於中二先自陳發心。後而我下。正問有十二句。初二句總餘十句別釋通橫豎橫釋可。知豎配十地。一證發心故不退。二不誤犯故三得

禪定故四精進故五入俗故須總持六般若現故七權實雙行爲甚深義得觀察智慧地故具足辨才八無功用方爲正念九力增上故十智增上故爾時彌伽告善財言善男子汝已發阿耨多羅三藐三菩提心耶善財言唯我已先發阿耨多羅三藐三菩提心。

疏第三爾時彌伽下稱讚授法中一先稱讚法器後授巴法門前中二初審定。

彌伽遽卽下師子座於善財所五體投地散金銀華無價寶珠及以上妙碎末栴檀無量種衣以覆其上

復散無量種種香華種種供具以爲供養疏二彌伽遽卽下敬讚於中二先敬後然後起立下讚今初所以師禮資者以菩提心是佛因故能廣出生諸功德故故法界無差別論云敬禮菩提心者如人禮白分初月不禮滿月以希現故滿月由此故又發心畢竟二不別如是二心先心難是故我禮初發心人況未說法未定爲師後授巴法方升本座不乖重法前諸知識而不爾者爲僧敬俗事不便故鈔今初所以師禮資下徵釋所以上徵問以菩提下答先正釋以敬法重人故又

發心畢竟下引經。涅槃三十七至迦葉讚佛。前來已引。今當更引。具云。發心畢竟二不別。如是二心先心難。自未得度。先度他。是故我禮初發心。初發已爲天人師。勝出聲聞及緣覺。如是發心過三界。是故得名最無上。今畧引三句耳。上引他經若當經中。其文繁博。下慈氏中發心功德品上下善友亦廣稱讚。況未說下別立禮之所以言不乖重法者。以師禮資義。佞性自輕。昇座方說。不乖重法者。涅槃第六云。有知法者。若老若少。故應供養恭敬禮拜。猶如事火婆羅門。如第二天奉事帝釋。佛言我爲重法。

於經中覆相說。是不爲學聲聞人。但爲菩薩。釋曰。由後義故。故下通難云。爲僧敬俗事不便。故卽約聲聞不輕佛法。若是菩薩常不輕是四衆。皆禮故爲重法。

然後起立而稱歎言。善哉善哉。善男子。乃能發阿耨多羅三藐三菩提心。

疏後讚中二先讚發心。後善男子應知菩薩下讚其求友。前中二初總讚。

善男子。若有能發阿耨多羅三藐三菩提心。則爲不斷一切佛種。則爲嚴淨一切佛刹。則爲成熟一切衆。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

生則爲了達一切法性。則爲悟解一切業種。則爲圓滿一切諸行。則爲不斷一切大願。則如實解離貪種性。則能明見三世差別。則令信解永得堅固。

疏一善男子若有下別讚於中三初有十句因德深廣斯德終成功歸初發而汝能發是謂希奇其相多同初發心品此中亦具深直悲心可以意得則爲一切如來所持則爲一切諸佛憶念則與一切菩薩平等則爲一切賢聖讚喜則爲一切梵王禮觀則爲一切天王供養則爲一切夜叉守護則爲一切羅刹侍衛則爲一切龍王迎接則爲一切緊那羅王歌詠讚歎則爲一切諸世間主稱揚慶悅則令一切諸衆生界悉得安隱所謂令捨惡趣故令出難處故斷一切貧窮根本故生一切天人快樂故遇善知識親近故聞廣大法受持故生菩提心故淨菩提心故照菩薩道故入菩薩智故住菩薩地故如破大病師疏次則爲一切下十王敬護後則令一切衆生界下外益衆生  
善男子應知菩薩所作甚難難出難值見菩薩者倍更難有。

疏第二讚求友中以菩薩難遇而能求能遇故知

善財是深法器。亦預誠求友之心。故解脫處歷十二年不生疲厭。於中二初總讚機應難得。

菩薩爲一切衆生恃怙生長成就故。爲一切衆生拯濟拔諸苦難故。爲一切衆生依處守護世間故。爲一切衆生救護令免怖畏故。菩薩如風輪持諸世間。不令墮落惡趣故。如大地增長衆生善根故。如大海福德充滿無盡故。如淨日智慧光明普照故。如須彌善根高出故。如明月智光出現故。如猛將摧伏魔軍故。如君王佛法城中得自在故。如猛火燒盡衆生我愛心故。如大雲降霖無量妙法雨故。如時雨增長一切

信根芽故。如船師示導法海津濟處故。如橋梁令其得度生死海故。

疏一菩薩爲下別讚善友於中二先法後喻。有十三喻。初二喻恃怙次四喻拯濟。次君喻依處餘喻救護。

彌伽如是讚歎善財。令諸菩薩皆歡喜已。從其面門出種種光。普照三千大千世界。其中衆生遇斯光已。諸龍神等乃至梵天悉皆來至彌伽之所。彌伽大士。卽以方便爲開示演說。分別解釋輪字品莊嚴法門。彼諸衆生聞此法已。皆於阿耨多羅三藐三菩提得

撰述

華嚴疏金卷第十三

七

## 不退轉。

疏第二彌伽如是讚歎下授已法門中二先現通  
益物令其目覩後彌伽於是還升下升座說授令  
其聽聞今初言輪字品莊嚴法門者賢首引日照  
三藏解云輪有多義一約字相楞伽中云字輪圓  
滿猶如象迹等二約所詮盡理圓備如輪滿足三  
約用謂妙音陀羅尼有轉授義滅惑義如法輪等  
卽輪字教法詮示莊嚴此釋已佳今更依毘婆訥  
那經第五別有字輪品彼經云是偏一切處法門  
謂菩薩若住此字輪法門始從初發妙菩提心乃  
至成佛於是中間所有一切自利利他種種事業  
皆得成就如最初阿字卽是菩提之心若觀此字  
而與相應卽同毘盧遮那法身之體謂此阿上字  
輪猶如孔雀尾輪光明圍繞行者而住其中卽是  
住於佛位又阿平聲長呼娑婆三字總攝三部阿  
字如來部娑字蓮華部囉字金剛部隨一部中皆  
有五字所謂字輪者從此輪轉而生諸字輪是生  
義如從阿菩提字卽轉生四字謂一阿字上聲長  
呼是脩行輪既已發心必脩諸行二闍字是成菩  
提輪既脩行已必證菩提三懸字是大寂滅涅槃

撰述

華嚴疏鈔卷六十三

釋

輪卽菩提所至四惡字。長呼是方便輪。而阿字當中。四字繞之。從下次第右旋。亦如輪相舉一爲例。餘字準之。若行者如是了達。則能入陀羅尼門。旋轉無礙。故名字輪品種種布列圓位。故名莊嚴。餘如彼釋。其字下深義。至衆藝中當廣分別。所以次前而辨斯者。前無礙解脫。卽無相智光。今將入俗。兼存有無寄宇表義。又爲總持令不失故。旣爲醫人。亦以字輪消伏障故。聖教中生宜持字故。鈔所以次前而辨斯者。下一明次第上問下答。卽密用毘盧遮那經意。彼有偈云。甚深相無相劣慧所不堪爲化。是等故。兼存有無說。釋曰。寄字卽學有無相知。如有偈云。八葉白蓮一時開炳現。阿字集光色卽存有也。阿表無生義。卽存無也會之不二。卽是中道。又爲總持令不失者。入俗化導。總持差別。故旣爲醫人下。卽直就有說。從聖教中生。約表位說。

彌伽於是還升本座。告善財言。善男子。我已獲得妙音陀羅尼。能分別知三千大千世界中諸天語言。諸龍夜叉乾闥婆阿脩羅迦樓羅緊那羅摩睺羅伽人與非人及諸梵天所有語言。如此三千大千世界。十

方無數乃至不可說不可說世界悉亦如是。

疏第二升座說授妙音陀羅尼者標名能分別下顯用此妙音持卽前輪字法門然字卽四十二字音卽十四音謂哀阿億伊等以十四音偏入諸字故出字無盡若於音窮妙則善萬類之言究聲名之論耳二處互舉理實相成鈔然字卽四十二字如衆藝處十四音初地已明。

善男子我唯知此菩薩妙音陀羅尼光明法門如諸菩薩摩訶薩能普入一切衆生種種想海種種施設海種種名號海種種語言海能普入說一切深密法句海說一切究竟法句海說一切所緣中有一切三世所緣法句海說上法句海說上上法句海說差別法句海說一切差別法句海能普入一切世間呪術海一切音聲莊嚴輪一切差別字輪際如是功德我今云何能知能說。

疏第四善男子我唯下謙已推勝中二先謙已結前言光明者智鑒妙音故後如諸下仰推勝進別有十四句前四可知五詮深密故六無餘說故七法融時法故八勝故九勝中勝故次三可知十三十四卽前所得而言際者窮理盡性故鈔五詮

深密者。畧有三義。一詮理智。卽事而真。二德涅槃名祕密藏等。二密意故。三具三密故。

善男子。從此南行。有一聚落。名曰住林。彼有長者。名曰解脫汝。詣彼問。菩薩云何脩菩薩行。菩薩云何成菩薩行。菩薩云何集菩薩行。菩薩云何思菩薩行。疏第五善男子。從此下。指示後友住林者。方便具足住衆德建立故。年耆德艾。事長於人。故稱長者。於其身內現無邊佛境。定用自在。故名解脫表。此住位所修善根。皆爲度脫一切衆生。乃至令證大涅槃故。鈔年耆德艾者。耆卽長也。艾亦老也。事

長於人者。年德俱高也。皆爲度脫等者。具足經三何爲。菩薩具足方便住此。菩薩所脩善根。皆爲救護一切衆生。一饒益。三安樂。四哀愍。五度脫。上四皆同。初句有一切衆生。六令一切衆生離諸災難。七出死苦。八發生淨信。九悉得調伏。十咸證涅槃。皆如第六句有令一切衆生。今疏隨便引於二句。爾時善財童子以善知識故。於一切智法。深生尊重。深植淨信。深自增益。禮彌伽足。涕泗悲泣。繞無量市。戀慕瞻仰。辭退而去。

### 疏第六戀德禮辭。

撰述

華嚴疏錄卷第十三

三

爾時善財童子思惟諸菩薩無礙解陀羅尼光明莊嚴門深入諸菩薩語言海門憶念諸菩薩知一切衆生微細方便門觀察諸菩薩清淨心門成就諸菩薩善根光明門淨治諸菩薩教化衆生門明利諸菩薩攝衆生智門堅固諸菩薩廣大志樂門住持諸菩薩殊勝志樂門淨治諸菩薩種種信解門思惟諸菩薩無量善心門誓願堅固心無疲厭以諸甲冑而自莊嚴精進深心不可退轉具不壞信其心堅固猶如金剛及那羅延無能壞者守持一切善知識教於諸境界得不壞智普門清淨所行無礙智光圓滿普照一

切具足諸地總持光明了知法界種種差別無依無住平等無二自性清淨而普莊嚴於諸所行皆得究竟智慧清淨離諸執著知十方差別法智無障礙住十方差別處身不疲懈於十方差別業皆得明了於十方差別佛無不現見於十方差別時悉得深入清淨妙法充滿其心普智三昧明照其心心恒普入平等境界如來智慧之所照觸一切智流相續不斷若身若心不離佛法一切諸佛神力所加一切如來光明所照成就大願願身周徧一切利網一切法界普入其身

撰述

華嚴疏錄卷之十三

釋

疏第五解脫長者寄具足方便住分六初依教趣求中二先思念前教於中亦二初十一句思脩前法初總餘別後誓願堅固下顯脩之益鈔具足方便住者帶真隨俗習無量善巧化無住故漸次遊行十有二年至住林城周徧推求解脫長者疏二漸次下趣求後友十二年者昔云自分勝進各脩六度故亦顯徧觀十二住故亦表不住一二緣故故云遊行若不住緣則得解脫故下云得見既得見已五體投地起立合掌白言聖者我今得與吾知識會是我獲得廣大善利何以故善知識者難疏第二既得見已下見敬咨問中三初明見敬而自慶者希望多年故

聖者我已先發阿耨多羅三藐三菩提心爲欲事一切佛故爲欲值一切佛故爲欲見一切佛故爲欲觀一切佛故爲欲知一切佛故爲欲證一切佛平等故爲欲發一切佛大願故爲欲滿一切佛大願故爲欲具一切佛智光故爲欲成一切佛衆行故爲欲得一

切佛神通故爲欲具一切佛諸力故爲欲獲一切佛無畏故爲欲聞一切佛法故爲欲受一切佛法故爲欲持一切佛法故爲欲解一切佛法故爲欲護一切佛法故爲欲與一切諸菩薩衆同一體故爲欲與一切菩薩善根等無異故爲欲圓滿一切菩薩波羅蜜故爲欲成就一切菩薩所脩行故爲欲出生一切菩薩清淨願故爲欲得一切諸佛菩薩威神藏故爲欲得一切菩薩法藏無盡智慧大光明故爲欲得一切菩薩三昧廣大藏故爲欲成就一切菩薩無量無數神通藏故爲欲以大悲藏教化調伏一切衆生皆令

究竟到邊際故爲欲顯現神變藏故爲於一切自在在藏中悉以自心得自在故爲欲入於清淨藏中以一切相而莊嚴故。

疏一聖者我已下自陳發心中先總後爲欲下別大陳發心之相於中三初欲上窮佛境二爲欲聞一切下欲罄盡法源三爲欲與一切下欲齊菩薩行亦僧寶境文並可知。

聖者我今以如是心如是意如是樂如是欲如是希求如是思惟如是尊重如是方便如是究竟如是謙下至聖者所我聞聖者善能誘誨諸菩薩衆能以方

攝述

華嚴疏金卷六十三

便闡明所得。示其道路。與其津梁。授其法門。令除迷倒障。拔猶豫箭。截疑惑網。照心稠林。浣心垢濁。令心潔白。使心清淨。正心誦曲。絕心生死。止心不善。解心執著。於執著處。令心解脫。於染愛處。使心轉動。令其速入一切智境。使其疾到無上法城。令住大悲。令住大慈。令入菩薩行。令修三昧門。令入證位。令觀法性。令增長力。令脩習行。普於一切其心平等。唯願聖者爲我宣說。菩薩云何學菩薩行。脩菩薩道。隨所脩習。疾得清淨。疾得明了。

疏三聖者我今下方陳請問於中亦三初結前生

後謂結前發心之相。便爲請問之端。故云以如是心至聖者所。二我聞聖者下讚能誘悔。三唯願聖者下請說所疑。鈔謂結前發心之相者。如前經言爲欲入於清淨藏中。以一切相而莊嚴故。卽爲請問云何得入於清淨藏中等。餘皆倣此。

時解脫長者以過去善根力。佛威神力。文殊師利童子憶念力故。卽入菩薩三昧門。名普攝一切佛刹。無邊旋陀羅尼。

疏第三時解脫下。正示法界分。初入定默示。後出定言答。前中所以此中入定示者。亦顯此位

撰述

華嚴疏金卷六十三

廿

定增上故。文中三初彰入定因緣。宿善爲因。表自脩故。後二爲緣。主佛威力。表本覺故。文殊念力。顯信智故。已彰善財因文殊故。一卽入下。舉定名體。謂普攝諸刹在於身中。由唯心之智稱性總持。令如體用旋轉無礙。故以爲名。

入此三昧已。得清淨身。於其身中。顯現十方各十佛。刹微塵數佛。及佛國上衆會道場。種種光明。諸莊嚴事。亦現。彼佛在昔所行。神通變化。一切大願。助道之法。諸出離行。清淨莊嚴。亦見諸佛成等正覺。轉妙法輪。教化衆生。如是一切。於其身中。悉皆顯現。無所障礙。種種形相。種種次第。如本而住。不相雜亂。所謂種種國土。種種衆會。種種道場。種種嚴飾。其中諸佛。現種種神力。立種種乘道。示種種願門。或於一世界處。兜率宮。而作佛事。或於一世界。度兜率宮。而作佛事。如是。或有住胎。或復誕生。或處宮中。或復出家。或詣道場。或破魔軍。或諸天龍恭敬圍繞。或諸世主。勸請說法。或轉法輪。或般涅槃。或分舍利。或起塔廟。彼諸如來。於種種衆會。種種世間。種種趣生。種種家族。種種欲樂。種種業行。種種語言。種種根性。種種煩惱。隨眠習氣。諸衆生中。或處微細道場。或處廣大道場。或

處一由旬量道場。或處十由旬量道場。或處不可說不可說佛刹微塵數由旬量道場。以種種神通。種種言辭。種種音聲。種種法門。種種總持門。種種辨才門。以種種聖諦海。種種無畏大師子吼。說諸衆生種種善根。種種憶念。授種種菩薩記。說種種諸佛法。彼諸如來所有言說。善財童子悉能聽受。亦見諸佛及諸菩薩不可思議三昧神變。

疏三入此三昧下明定業用。卽普攝等義於中三初總明普攝。次種種形下別彰廣多。三彼諸如來所有言下。令善財聞見。

爾時解脫長者從三昧起。告善財童子言。善男子。我已入出如來無礙莊嚴解脫門。善男子。我入出此解脫門時。卽見東方闍浮檀光明世界龍自在王。如來應正等覺道場衆會之所圍繞。毘盧遮那藏菩薩而爲上首。又見南方速疾力世界普香如來應正等覺道場衆會之所圍繞。心王菩薩而爲上首。又見西方香光世界須彌燈王如來應正等覺道場衆會之所圍繞。無礙心菩薩而爲上首。又見北方袈裟幢世界不可壞金剛如來應正等覺道場衆會之所圍繞。金剛步勇猛菩薩而爲上首。又見東北方一切上妙。

撰述

華嚴疏錄卷六十三

三

寶世界無所得境界眼如來應正等覺道場衆會之所圍繞無所得善變化菩薩而爲上首。又見東南方香燄光音世界香燈如來應正等覺道場衆會之所圍繞金剛燄慧菩薩而爲上首。又見西南方智慧日普光明世界法界輪幢如來應正等覺道場衆會之所圍繞現一切變化幢菩薩而爲上首。又見西北方普清淨世界一切佛寶高勝幢如來應正等覺道場衆會之所圍繞法幢王菩薩而爲上首。又見上方佛次第出現無盡世界無邊智慧光圓滿幢如來應正等覺道場衆會之所圍繞法界門幢王菩薩而爲上

首。又見下方佛光明世界無礙智幢如來應正等覺道場衆會之所圍繞一切世間刹幢王菩薩而爲上首。

疏第二爾時解脫下出定言告中四一明起定二

告善財下示定名體名如來無礙莊嚴者總有五義一一切如來各具一切無礙莊嚴二一一如來互徧無礙三一切如來莊嚴悉入長者之身四長者徹見十方佛海五長者智持不以爲礙故無礙言兼得旋持不違上文經家所序三善男子我入出下明定業用鈔名如來無礙莊嚴總有五義

撰述

華嚴疏錄卷之二

七

七

者而文中皆含。如一二云如來各具無礙莊嚴者。卽上經云種種光明諸莊嚴事。若因若果。若依若正。卽無礙莊嚴也。二。一如來互徧無礙者。以身中現十方各十佛利微塵數佛無雜亂故。三。與長者身無礙者。以身不大而利不小。亦無來去。互徧無礙。謂以舍利之身入身中之利。無不克徧。是內外一多無礙。故新譯經云。身與佛利互相涉入。不相障礙。卽此便有重重之義。謂舍利之身入身中之利。身中利內之身亦能容利。所容之利亦能有身。故身身無竈。利利無盡。四長者徹見等者。經云見諸佛成正等覺。尚令善財見聞。況長者耶。故下出一定告云。我入出此定。卽見東方闊浮檀金光明世界。龍自在王。如來等十方諸佛。欲見卽見。五長者智持無礙者。以是唯心三昧力故。所以出定能持能說。故無礙言兼得旋持等者。卽等五義。不違前來普攝一切佛利無邊旋陀羅尼。普攝佛利之義。定中相顯。而其智持不違總持。

疏四善男子我見如是下。彰定體相。卽無來去。唯善男子。我見如是等十方各十佛利微塵數如來。彼諸如來不來至此我不往彼。

疏四善男子我見如是下。彰定體相。卽無來去。唯

撰述

華嚴疏錄卷之十三

釋

心觀故所以次前顯此定者。唯心之觀亦其要故。亦顯此位知衆生界無量無邊皆心現故。於中二一結前所見體無來往。

我若欲見安樂世界阿彌陀如來隨意即見。我若欲見栴檀世界金剛光明如來妙香世界寶光明如來蓮華世界寶蓮華光明如來妙金世界寂靜光如來妙喜世界不動如來善住世界師子如來鏡光明世界月覺如來寶師子莊嚴世界毘盧遮那如來如是一切悉皆即見。

疏二我若欲見下廣顯隨心見佛體相於中四一

明隨心念佛諸佛現前一然彼如來下正顯唯心念佛觀體三善男子當知下以唯心觀偏該萬法四是故善男子下結勸脩學令證唯心初中既了境唯心了心卽佛故隨所念無非佛矣何難見哉鈔旣了境唯心者上經云若人欲了知三世一切佛應觀法界性一切唯心造言了心卽佛者經云如心佛亦爾如佛衆生然應知佛與心體性皆無盡旣境卽是心心卽是佛則無境非佛況心心耶加以志一不撓精詣造微佛應尅成于何不見

撰述

華嚴疏錄卷之十三

三

然彼如來不來至此。我身亦不往詣於彼。知一切佛及與我心悉皆如夢。知一切佛猶如影像。自心如水。知一切佛所有色相及以自心悉皆如幻。知一切佛及以已心悉皆如響。我如是知。如是憶念。所見諸佛皆由自心。

疏二觀體中初總明相無來往。鈔今初總明無來往者。體性寂滅故。

疏知一切下釋其所由。所以上言普見諸佛。又無來去其故何耶。了彼相虛唯心現故。鈔了彼相虛唯心現故者。以我卽寂之唯心。叩彼卽體之妙用。能念所念。何動寂之相干。

一疏於中前別顯後結成別中文有四對意含通別謂通顯唯心。喻無來往。別喻唯心。兼明不出入等。一如夢對般舟三昧經云。如夢見七寶親屬歡樂。覺已追念。不知在何處。如是念佛。此喻唯心所作。卽有而空。故無來去。又云如舍衛國有女。名曰須門。聞之心喜。夜夢從事。覺已念之。彼不來。我不往。而樂事宛然。當如是念佛。此正喻體無來往。但隨心變。

鈔一如夢對下。此之四喻。唯影別喻。餘三皆通。若準新譯。夢響二喻具通與別影幻二喻。

撰述

華嚴經卷之十三

三

唯別無通。今初夢喻。彼經別喻云。如夢所見。從分別生。見一切佛。從自心起。上二句喻。下二句合。則夢境喻佛。分別夢因。喻能念心。故觀無量壽佛經云。是心作佛。是心是佛。諸佛正徧知海。從心想生緣。生非實故。能所見空。無來往也。般舟下引證。此經有三卷題云般舟三昧經。一名十方現在佛悉在前立定經。後魏沙門支婁迦讖譯。在羅閱祇迦隣竹園說跋陀和菩薩問。第一問事品。今引亦第一卷行品第二。佛先令遠惡近善。修此念佛三昧。故舉諸喻。示念佛相。經文浩博。今疏畧引。各當具

引一喻。經云何因緣致現在諸佛悉在前立三昧。如是跋陀和。其有比丘。比丘尼。優婆塞。優婆夷。持戒完具。獨於一處止心念西方阿彌陀佛。今現在隨所問。當念彼國去。此千億萬佛刹。其國名須摩提。佛在衆菩薩中央說經。一切時常念阿彌陀佛。佛告跋陀和。譬如人卧。卽於夢中見有種種金銀珍寶。或復夢見父母兄弟妻子親屬知識。相與娛樂。喜樂無比。及其覺已。爲人說之。如是跋陀和。若沙門白衣。所聞西方阿彌陀佛。當念彼佛。不得缺戒。一心專念。若一晝夜。若七日七夜。過七日已後。

撰述

聖嚴陀羅鉢經卷六十三

釋

見阿彌陀佛。於覺不見。於夢中見之。譬如夢中所見。不知晝夜。亦不知內。亦不見外。不用在冥中。故不見。不用有所蔽礙。故不見。如是跋陀和菩薩當如是念時。佛國界名大須彌山。其有幽冥之處。悉爲開闢。目亦不蔽。心亦不礙。是菩薩摩訶薩不持天眼徹視。不持天耳徹聽。不持神足到其佛刹。於是間終。不生彼間佛刹耳。乃見便於此間坐。見阿彌陀佛。聞所說法。悉受持得。從三昧起。悉能具足爲人說之。釋曰。次下卽有須門女喻。從七日已下。卽示合相。取如夢見無定實義。彼經有多夢喻。

今但引二。前七寶喻。喻卽有而空。覺無所得。故稱如夢。喻空不礙有。有卽事故。然合二不二爲中道義。故但取意畧。引其二。又約義別說。心性如境。觀如緣想。觀成如夢。此唯就於能行人合。又法身如境。報身如想。應身如夢。此唯約佛境合。又彼佛如境。行人如想。見佛如夢。所見雙約。感應此三。釋經通喻。一切諸佛及以我心。皆如夢故。言有女名須門者。經有三人以念三女。經云。譬如有人。聞塗舍利國中有姪女名須門。若復有人聞姪女人名。卽凡和利。若復有人聞優婆須。然經言小隱。若

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖闡疏金言卷之十三

賢護全同而文分明。經云復次賢護。如此摩伽陀國有三丈夫。其第一者聞毘耶離城有姪女名須摩那。彼第二人聞有姪女名菴羅波離。彼第三人聞有姪女名蓮花色。彼旣聞已各設方便。繫念勤求。無時覺疲。彼三人實未曾覩。如是諸女直以遙聞。卽興欲心。專念不息。後時因夢謂在王城與彼女人共行。欲事欲事旣成。求心亦息。希望旣滿。遂便覺寤。寤已追念。夢中所行。如所聞見。如所證知。如是憶念來。詣汝所。具爲汝說。汝當爲彼說法。隨順教化。令其得住。不退轉地。究竟成就阿耨多羅。

三蘋三菩提。彼於當來必得成佛。名曰善覺。又云如舍衛國等者。卽智論第六。佞性引此緣而有小異。論云。如佛在世。三人爲伴。聞毘舍離有姪女名菴羅婆和。舍衛國有姪女名須摩那。王舍城有姪女名優鉢羅槃那。並端正無比。三人各聞長念心著。便於夢中與彼從事。覺已心念彼人。不來我又不行。而姪事得辦。因是卽悟諸法亦爾。於是共至跋陀婆羅菩薩所。而問其事。菩薩答言。諸法實爾。皆從念生。菩薩乃爲其方便說法。皆得不退轉地。釋曰。大意同經。但闕授記耳。然經論大意却顯念見。

撰述

華嚴疏錄卷之十三

辨

佛竟方悟性空。有無無礙。與疏意同也。  
 疏二水影對中。若月滿秋空。隨水而現。澄潭皎淨。  
 則月影圓明。水濁波騰。則光昏影散。有水月現。曾  
 何入來。無水影空。未曾出去。雖水中見月。誰能執  
 持心之定散。準喻思擇。鈔二水影對中等者。乃  
 別喻心。但喻水爲影緣故。若取通意。則心佛皆影。  
 然新譯經亦是別喻。而加於器。可喻淨身。而般舟  
 經亦有影喻。具水面鏡像。以喻自見。非從外入。非  
 從內出。正與疏同。明非入出。兼唯心義。心之定散。  
 準喻思擇者。然水有四類。一清。二濁。三動。四靜。合  
 中水濁對前皎淨。波濤對於澄潭。以法對喻。通有  
 二義。有惑無信爲濁。有信無惑爲清。散亂爲動。有  
 定爲靜。四事交絡而成多數。一水濁而動。若黃河  
 泊流。此喻有惑無信。又多亂想。二濁而不動。如稀  
 泥無波。喻如有惑無信。并無攀緣。而此一句曲有  
 多義。一有惑而靜。二無信而靜。愚痴之定也。三清  
 淨而動。喻無惑有信。而多覺觀。對上第二。亦有三  
 義。一無惑而亂。二有信而亂。三明了而亂。四清而  
 且靜。喻無惑有信。而定畧舉。定散實含清濁。而第  
 一人設有念佛而見佛者。如黑象脚。加腋燭不定。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

第二人見同灰族色。安住不動。第三人或覩相好。忽有忽無。乍離乍合。第四人見。則色相端嚴。凝停不亂。唯見唯靜。逾觀逾明。今同第四而念見也。故法華云。深入禪定。見十方佛。故疏云。心之定散。準喻思擇。然其大意。佛既如影。安有有無。多勝分去來入出等相。非空非有。中道觀成。若水喻心性。則佛之月影。皆是衆生真心中物。心佛交徹。真唯心也。

疏三。如幻對。如幻非實。則心佛兩亡。而不無幻相。則不壞心佛。正喻空有無礙。故卽無來去。不妨普見。見卽無見。常契中道。鈔三。如幻對。但有通喻。新經別喻云。又知自心猶如幻術。知一切佛如幻所作。謂有能幻法。方有幻事。無能念心。無所見佛。疏中具顯三觀。初空觀。次而不無幻相下。卽假觀後正喻下。中道觀也。

疏四。如響對。以心爲緣。而佛響應。佛無分別。以佛爲緣。而心見佛。心何去來。此但總喻緣成之義。鈔四。如響對。亦唯通喻。新經別喻云。譬如空谷。隨聲發響。悟解自心。隨念見佛。釋曰。此唯一義。則法身如空谷。自心如發聲。見佛如響應。而疏釋經通

撰述

華嚴疏錄卷之三

三

釋

相之喻。心佛皆響。故兩句釋之初。喻佛如響。則谷等同上。後以佛爲緣下。喻心如響。則以自性清淨心爲空谷。佛應爲聲。起見佛心。卽喻響也。故疏結云。此但總喻緣成之義。然亦聲谷皆緣。喻一心爲緣而有佛響。二佛爲緣而心得見。故二皆響。而上四喻皆言對者。雖喻有三法本。但喻於心佛二故。上之四喻。皆具四觀。一正喻唯心。二唯心故空。三唯心故假。四唯心故中。融而無礙。卽華嚴意。若皆具四。何用四喻。兼別義故。一欲廣唯心無性等故。二從增勝說四義不同。謂夢喻不來不去。影喻不出不入。幻喻非有非無。響喻非合非散。又夢喻散心意言分別故。水喻定心同靜水故。幻喻起用心如幻術故。響喻勝劣隨心念見故。又前三喻。喻見佛身。後一兼喻聞法。三中夢喻法身。但有想見。竟無見故。影喻報身。相明靜故。幻喻化身。隨意成故。又幻喻是心作佛。影喻是心是佛。夢喻諸佛正徧知海。從心想生。響喻隨心勝劣。見佛有異。具上諸意。四喻不同。故上疏云。別喻唯心。兼明不出入等。○疏後結成唯心。故無量壽觀經云。是心是佛。是心作佛。諸佛正徧知海。從心想生。般舟三昧經結云。

撰述

卷之三

三

續

自念佛從何所來。我亦無所至。我所念卽見心作佛。心自見心是佛。心是我心見佛。上方攝境歸心。下又拂云。心不自知心。心不自見心。心有想爲痴。無想卽泥洹。是法無可示者。皆念所爲。設有念。亦了無所有。空耳。此卽喻中意已具矣。鈔後結成唯心者。卽釋經我如是憶念所見諸佛皆由自心。疏家便引經證。先引觀經畧如向說。般舟依止觀中引文稍闕畧。今當次第具引。經云。作是念佛從何所來。去到何所。自念佛何所從來。我亦無所至。自念三處。欲處色處無想處。是三處意所爲耳。我所念卽見心作佛。心自見心是佛。心是怛薩阿竭心。此云如來是我身心見佛。心不自知心。心不自見心。心有想爲痴。心無想是泥洹。是法無可示云者。皆念所爲。設使念爲空耳。設有念亦了無所有。如是跋陀和菩薩在三昧中立者。所見如是佛。爾時頌偈言。心者不知心。有心不見心。心起想則痴。無想是泥洹。是法無堅。常立在於念。以解見空者。一切無想念釋曰。對疏廣畧可知。次釋疏文。初明佛無去來。隨念卽見。二心作佛下。明唯心念佛觀成初知。是我心作佛。心外無佛。故所見佛卽見

撰述

華嚴疏錄卷之三

自心言是佛心者。我心佛心。心無二故。若見自心。卽見佛心。如如卽佛。故畧不出。言是我心見佛者。結成唯心。決定是我心見。心外無別佛也。故疏結云。上方攝境歸心。下又拂去。先拂上心自見心。夫心爲能見。佛爲所見。如刀不自割。指不自觸。云何自心還見。自心能所不分。見相斯絕。下句拂上。知是我心。既能所知。二皆是心。則亦絕能所。故無知耳。故結云。有想則痴。然般舟別譯。隋朝沙門闍那。囑多。卽大集賢護分。有文五卷。初品名思惟。第二品名三昧行。此中義在初品餘可知。

善男子。當知菩薩修諸佛法。淨諸佛刹。積集妙行。謂伏衆生。發大誓願。入一切智。自在遊戲。不可思議。解脫之門。得佛菩提。現大神通。徧往一切十方法界。以微細智。普入諸劫。如是一切。悉由自心。是故善男子。應以善法扶助自心。應以法水潤澤自心。應於境界淨治自心。應以精進堅固自心。應以忍辱坦蕩自心。應以智證潔白自心。應以智慧明利自心。應以佛自在開發自心。應以佛平等廣大自心。應以佛十方照察自心。

疏第三心該萬法。謂非但一念佛觀。由於自心。菩

1 2 3 4 5 6 7 8 9 30 1 2 3 4 5 6 7 8 9 30

薩萬行。佛果體用。亦不離心。如有偈云。諸佛從心得解脫。心者無漏名清淨。五道鮮潔不受色。有解此者成大道。第四結勸修學中。既萬法不離自心。但修自心。萬法行備。亦遣愚人妄解之失。謂有計云。萬法皆心。任之是佛。驅馳萬法。豈不唐勞。故今廣明心雖卽佛。久翳塵勞。故以萬行增修。令其瑩徹。又但說萬行由心。不說不修爲是。又萬法卽心。修何礎心。文有十句。一。如彼病人。非杖不起。煩惱病重。假善相資。二。若無法水。法芽不生。三。對境忘心。卽六塵不染。四。舊善不雜。新善進修。可謂堅固。五。違順不干。則坦然寬廓。六。寂照內證。皎然無瑕。七。觸境了如無不鑒達。八。六自在王。性同於佛。開塵發用。知見分明。九。與佛同如。體周法界。十。以調生十力。察獲疎遺。如是修心。則圓前佛法。善男子。我唯於此如來無礙莊嚴解脫門而得入出。如諸菩薩摩訶薩。得無礙智。住無礙行。得常見一切佛三昧。得不住涅槃際三昧。了達三昧普門境界。於三世法悉皆平等。能善分身徧一切利。住於諸佛平等境界。十方境界。皆悉現前。智慧觀察。無不明了。於其身中。悉現一切世界。成壞而於已身及諸世界不。

撰述

華嚴疏金卷六十三

三

生二想。如是妙行。而我云何能知能見。

疏第四善男子我唯下謙已推勝不住涅槃際。生  
三下當知餘文相顯。善男子從此南行至闍浮提畔有一國土名摩利伽  
羅。彼有比丘名曰海幢。汝詣彼問菩薩云何學菩薩  
行修菩薩道。

疏第五從此下指示後友闍浮提畔者此洲南際。  
表將隣不退故亦云所得般若六度後邊故摩利  
伽羅晉經譯爲莊嚴比丘海幢者業用深廣而出  
故正心不動如海最高勝故。

時善財童子頂禮解脫長者足右繞觀察稱揚讚歎  
思惟戀仰悲泣流淚一心憶念依善知識事善知識  
敬善知識由善知識見一切智於善知識不生違逆  
於善知識心無諳詭於善知識心常隨順於善知識  
起慈母想捨離一切無益法故於善知識起慈父想  
出生一切諸善法故辭退而去。

疏六戀德禮辭

爾時善財童子一心正念彼長者教觀察彼長者教  
憶念彼不思議菩薩解脫門思惟彼不思議菩薩智  
光明深入彼不思議法界門趣向彼不思議菩薩普

撰述

華嚴疏錄卷六十三

三

入門明見彼不思議如來神變解了彼不思議普入佛利分別彼不思議佛力莊嚴思惟彼不思議菩薩三昧解脫境界分位了達彼不思議差別世界究竟無礙修行彼不思議菩薩堅固深心發起彼不思議菩薩大願淨業

疏第六海幢寄正心住文但有五初念教趣求有二初念前教詔鈔海幢比丘寄正心住成就般若了法性空無住無依無邪無正故聞讚毀真正其心念不動故

漸次南行至闍浮提畔摩利聚落周徧求覓海幢比

丘

疏一二趣求後友文顯可知

乃見其在經行地側結跏趺坐入於三昧離出入息無別思覺身安不動

疏第二乃見其在下見敬咨問中二先見敬後善財童子讚言下咨問今初小異前來謂便見其入定體用卽同前文正示法界下諸夜神類多如是文中五見入定相二覩定勝用三瞻敬證入四所經時分五覩從定起今初此通二定一卽滅受想定謂無別思覺七轉已息唯第八識持身

撰述

聖嚴疏錄卷之十三

定前加行誓願力故。令於定身起諸業用。若圓教中融攝法界。自在無礙。故業用無方。未曾起念。是以六地能入滅定而起通用。住俗地故。淨名云。不起滅定而現諸威儀。正當此也。二者卽第四禪。以起用多依彼故。四禪無出入息。亦無覺觀。內淨喜樂諸思覺故。通表此位心定不動故。又經行地側。是動之所。而滅思覺者。表卽動而寂故。而言側者。不住行故。鈔滅受想定如此品初及七地說引淨名經亦如前說。

從其足下出無數百千億長者居士婆羅門衆。皆以

種種諸莊嚴具莊嚴其身。悉著寶冠頂繫明珠。普行十方一切世界。雨一切寶。一切瓔珞。一切衣服。一切飲食。如法上味。一切華。一切鬘。一切香。一切塗香。一切欲樂資生之具。於一切處救攝。一切貧窮衆生。安慰一切苦惱衆生。皆令歡喜心意清淨。成就無上菩提之道。

疏一從其足下見定業用中二先別明身分作用處別後海幢比丘又於其身下總顯毛孔光明業用。今初總十四處作用不同。總相而明。從下至上漸漸增勝。別則各表不同。一足出長者等者。足

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之十一

四

有一義。一最初故。多顯施行萬行首故。二行住義。長者行之長故。居士得安處故。婆羅門淨行故。成就菩提是利行故。

從其兩膝出無數百千億刹帝利婆羅門衆皆悉聰慧種種色相種種形貌種種衣服上妙莊嚴普偏十方一切世界。慶語同事。攝諸衆生所謂貧者令足病者令愈危者令安怖者令止有憂苦者咸使快樂復以方便而勸導之皆令捨惡安住善法。

疏二膝出刹帝利等者。土由帝王屈申自在故。行由於膝。故出淨行。次前二攝。故說慶語同事。

從其腰間出等衆生數無量仙人或服草衣或樹皮衣皆執澡瓶威儀寂靜周旋往返十方世界於虛空中以佛妙音稱讚如來演說諸法或說清淨梵行之道令其修習調伏諸根或說諸法皆無自性使其觀察發生智慧或說世間言輪軌則或復開示一切智智出要方便令隨次第各修其業。

疏三腰出仙人者腰謂臍輪之下氣海之間是吐故納新出仙之所故梵本云那僻曼陀羅此云臍輪。

從其兩脇出不思議龍不思議龍女示現不思議諸

撰述

華嚴疏錄卷之十三

四

龍神變。所謂雨不思議香雲。不思議華雲。不思議鬢雲。不思議寶蓋雲。不思議寶幡雲。不思議妙寶莊嚴具雲。不思議大摩尼寶雲。不思議寶瓔珞雲。不思議寶座雲。不思議寶宮殿雲。不思議寶蓮華雲。不思議寶冠雲。不思議天身雲。不思議殊女雲。悉徧虛空而爲莊嚴。充滿一切十方世界。諸佛道場而爲供養。令諸衆生皆生歡喜。

疏四脇出龍者。是旁生故。

從胸前五字中。出無數百千億阿修羅王。皆悉示現不可思議自在幻力。令百世界皆大震動。一切海水

自然湧沸。一切山王互相衝擊。諸天宮殿無不動搖。諸魔光明無不隱蔽。諸魔兵衆無不摧伏。普令衆生捨憍慢心。除怒害心。破煩惱山。息衆惡法。長無鬪諍永共和善。復以幻力開悟衆生。令滅罪惡。令怖生死。令出諸趣。令離染著。令住無上菩提之心。令修一切諸菩薩行。令住一切諸波羅蜜。令入一切諸菩薩地。令觀一切微妙法門。令知一切諸佛方便。如是所作周徧法界。

疏五於胸德相出修羅者。胸是能生能滅憍慢幻術之所故。又明德相能降魔故。

撰述

聖嚴正錄卷六十三

三

從其背上爲應以二乘而得度者出無數百千億聲聞獨覺爲著我者說無有我爲執常者說一切行皆悉無常爲貪行者說不淨觀爲瞋行者說慈心觀爲癡行者說緣起觀爲等分行者說與智慧相應境界法爲樂著境界者說無所有法爲樂著寂靜處者說發大誓願普饒益一切衆生法如是所作周備法界疏六背出一乘者背大乘故。

從其兩肩出無數百千億諸夜叉羅刹王種種形貌種種色相或長或短皆可怖畏無量眷屬而自圍繞守護一切行善衆生并諸賢聖菩薩衆會若向正住及正住者或時現作執金剛神守護諸佛及佛住處或偏守護一切世間有怖畏者令得安隱有疾病者令得除差有煩惱者令得免離有過惡者令其厭悔有灾橫者令其息滅如是利益一切衆生皆悉令其捨生死輪轉正法輪

疏七肩出夜叉等者肩是可畏勇力之所故又是荷負之所故爲守護業

從其腹出無數百千億緊那羅王各有無數緊那羅女前後圍繞又出無數百千億乾闥婆王各有無數乾闥婆女前後圍繞各奏無數百千天樂歌詠讚歎

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷六十三

諸法實性。歌詠讚歎一切諸佛。歌詠讚歎發菩提心。  
 歌詠讚歎修菩薩行。歌詠讚歎一切諸佛成正覺門。  
 歌詠讚歎一切諸佛轉法輪門。歌詠讚歎一切諸佛  
 現神變門。開示演說一切諸佛般涅槃門。開示演說  
 守護一切諸佛教門。開示演說令一切衆生皆歡喜  
 門。開示演說嚴淨一切諸佛刹門。開示演說顯示一  
 切微妙法門。開示演說捨離一切諸障礙門。開示演  
 說發生一切諸善根門。如是周徧十方法界。

疏八腹出繁那羅等者。鼓腹弦歌音樂之所故。  
 從其面門出無數百千億轉輪聖王。七寶具足。四兵

圍繞。放大捨光。雨無量寶。諸貧乏者悉使充足。令其  
 永斷不與取行。端正姝女無數百千。悉以捨施。心無  
 所著。令其永斷邪淫之行。令生慈心。不斷生命。令其  
 究竟常真實語。不作虛誑無益談說。令攝他語不行  
 離間。令柔軟語無有麁惡。令常演說甚深決定明了  
 之義。不作無義綺飾言辭。爲說少欲。令除貪愛。心無  
 瑕垢。爲說大悲。令除忿怒。意得清淨。爲說實義。令其  
 觀察一切諸法。深入因緣。善明諦理。拔邪見刺。破疑  
 惑。山一切障礙悉皆除滅。如是所作。充滿法界。

疏九面門出輪王者。布十善令向佛法故。鈔布

撰述

華嚴疏錄卷六十三

三

十善下。經文自具。細尋可知。

從其兩目出無數百千億日輪。普照一切諸大地獄。及諸惡趣。皆令離苦。又照一切世界中間。令除黑暗。又照一切十方衆生。皆令捨離愚癡翳障。於垢濁國土放清淨光。白銀國土放黃金色光。黃金國土放白銀色光。瑠璃國土放玻瓈色光。玻瓈國土放瑠璃色光。碑碟國土放瑪瑙色光。瑪瑙國土放碑碟色光。帝青國土放日藏摩尼王色光。日藏摩尼王國土放帝青色光。赤真珠國土放月光網藏摩尼王色光。月光網藏摩尼王國土放赤真珠色光。一寶所成國土放

種種寶色光。種種寶所成國土放一寶色光。照諸衆生心之稠林。辦諸衆生無量事業。嚴飾一切世間境界。令諸衆生心得清涼。生大歡喜。如是所作。充滿法界。

疏十自出日輪目等日照故。

從其眉間白毫相中出無數百千億帝釋。皆於境界而得自在。摩尼寶珠繫其頂上。光照一切諸天宮殿。震動一切須彌山王。覺悟一切諸天大眾。歎福德力。說智慧力。生其樂力。持其志力。淨其念力。堅其所發菩提心力。讚樂見佛。令除世欲。讚樂聞法。令厭世境。

撰述

聖嚴正錄卷之十三

三

卷

讚樂觀智。令絕世染止修羅戰。斷煩惱靜滅怖死心。發降魔願興立正法須彌山王成辦衆生一切事業。如是所作周徧法界。疏十一。眉間出帝釋者於地居中。最尊勝故。中道般若化衆生故。令離五欲得淨法故。

從其額上出無數百千億梵天色相端嚴。世間無比威儀寂靜。言音美妙。勸佛說法。歎佛功德。令諸菩薩悉皆歡喜。能辦衆生無量事業。普徧一切十方世界。疏十二。額出梵王者。梵超欲故。次於眉上。又是稽頤請法之所故。

從其頭上出無量佛刹微塵數諸菩薩衆。悉以相好莊嚴其身。放無邊光說種種行所謂讚歎布施。令捨慳貪得衆妙寶。莊嚴世界稱揚讚歎持戒功德。令諸衆生永斷諸惡住於菩薩大慈悲戒說一切有。悉皆如夢說諸欲樂無有滋味。令諸衆生離煩惱縛說忍辱力。令於諸法心得自在。讚金色身。令諸衆生離瞋恚垢起對治行。絕畜生道。歡精進行。令其遠離世間放逸。皆悉勤修無量妙法。又爲讚歎禪波羅蜜。令其一切心得自在。又爲演說般若波羅蜜。開示正見。令諸衆生樂自在智。拔諸見毒。又爲演說隨順世間種

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

種所作。令諸衆生雖離生死。而於諸趣自在受生。又爲示現神通變化。說壽命自在。令諸衆生發大誓願。又爲演說成就總持力。出生大願力。淨治三昧力。自在受生力。又爲演說種種諸智。所謂普知衆生諸根智。普知一切心行智。普知如來十力智。普知諸佛自在智。如是所作。周徧法界。

疏十三頭出菩薩者。最上首故。說十度行。並顯可知。

從其頂上出無數百千億如來身。其身無等。諸相隨好清淨莊嚴。威光赫奕。如真金山。無量光明。普照十

方。出妙音聲。充滿法界。示現無量大神通力。爲一切世間普雨法雨。

疏十四頂出佛者。尊極無上。故文中三初總顯所出身語之相。次所謂下別彰法雨不同。後如是下一句總結。

所謂爲坐菩提道場諸菩薩。雨普知平等法雨。爲灌頂位諸菩薩。雨入普門法雨。爲法王子位諸菩薩。雨普莊嚴法雨。爲童子位諸菩薩。雨堅固山法雨。爲不退位諸菩薩。雨海藏法雨。爲成就正心位諸菩薩。雨普境界法雨。爲方便具足位諸菩薩。雨自性門法雨。

橫述

聖賢正錄卷之十三

爲生貴位諸菩薩。雨隨順世間法雨。爲修行位諸菩薩。雨普悲愍法雨。爲新學諸菩薩。雨積集藏法雨。爲初發心諸菩薩。雨攝衆生法雨。爲信解諸菩薩。雨無盡境界。普現前法雨。

疏就別彰法雨中。總有三十二種。前十二法雨爲菩薩餘爲雜類。今初一普知平等法雨者。畧有三等。一始覺同本無始本之異故。二等諸佛故。三生佛一性故。得此三等。則轉成妙覺。二普門法雨者。下十法雨卽十住者。圓教位中十住位滿便成佛。故此前更無別位。此約以位攝位。非一乘宗餘無

此說。然此十法。皆是勸學十法。已住自分。勸進勝故。普門卽三世等十種智慧。勸彼灌頂。令其進修。下皆倣此。三令普學法王善巧等爲莊嚴故。四令學知利動利等。皆無能壞。最高出故。五令學說一卽多說多。卽一等十種廣大深法。故名海藏。六令學一切法無相無體等。旣一切皆然。名普境界。七知衆生無邊。乃至知衆生無自性。皆是自性門。以無邊等亦如自性故。八了知圓滿三世佛法。皆是隨順世間故。九徧觀察衆生界等。爲悲愍故。十誦習多聞虛閑寂靜近善知識等。皆爲積集包藏於

撰述

聖嚴正錄卷六十三

法行故。創治心地。故名新學。十一。令其勤供養佛。王導世間。爲攝衆生。若作十地等釋。類可思準。十二。卽十信菩薩。令普緣如來及普賢無盡境界而生信心。分明現前。進入位故。鈔十法雨。卽十住者。尋經易了。

爲色界諸衆生雨。普門法雨。爲諸梵天雨。普藏法雨。爲諸自在天雨。生力法雨。爲諸魔衆雨。心幢法雨。爲諸化樂天雨。淨念法雨。爲諸兜率天雨。生意法雨。爲諸夜摩天雨。歡喜法雨。爲諸忉利天雨。疾莊嚴虛空界法雨。爲諸夜叉王雨。歡喜法雨。爲諸乾闥婆王雨。金剛輪法雨。爲諸阿修羅王雨。大境界法雨。爲諸迦樓羅王雨。無邊光明法雨。爲諸緊那羅王雨。一切世間殊勝智法雨。爲諸人王雨。無樂著法雨。爲諸龍王雨。歡喜幢法雨。爲諸摩睺羅伽王雨。大休息法雨。爲諸地獄衆生雨。正念莊嚴法雨。爲諸畜生雨。智慧藏法雨。爲閻羅王界衆生雨。無畏法雨。爲諸厄難處衆生雨。普安慰法雨。悉令得入賢聖衆會。

疏後爲色界下二十法雨。普爲人天雜類。一總爲色界衆生。捨外住內。令得心境無礙。故曰普門。二偏語初禪以宿習多慈。而偏已眷屬。今令慈普。舍

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷六十三

三

福無窮。三卽他化自在天轉世自在生。十力自在。四就他化中分出魔衆。魔好摧他自高。今令得慈心法幢。摧其邪慢。五隨念化樂。但汙自心故轉令淨念。六雖於世樂知足。宜生出世之意。七世樂時分稱快。不及法喜之歡。八地居之極。羨空居爲勝。不及福智。嚴法性空。九夜又性多暴害。故令歡喜。於舍生此約對治明喜。前夜摩天約隨便宜。十以彼善奏樂音。上德聲聞亦爲摧壞。今令得金剛智。無所不摧。無不圓滿。十一彼恃大身而生憍慢。令見法身稱法境界。十二彼以淨眼觀海。意欲吞龍。令以慈眼智光徧照機感。十三隨彼善歌。令得卽空涉有殊勝世智。十四人王著樂故偏對治。十五龍多恚毒故爲說喜。有熱沙等怖。說法幢能摧。十六蠻多毒害。又爲蟲唼食無休。故說內休毒心。外苦休息。十七地獄衆生。身受無邊苦。心念無邊惡。若以正念三寶爲嚴。則頓脫衆苦。十八畜生多痴故。十九炎魔鬼卒互相怖畏。乃至王身亦有熱鐵鎔銅等怖故。二十諸難者。所謂八難。及在人間獄。囚繫閉等而多不安。故普安慰。悉令得入賢聖衆會。翻彼難處。

支那

華嚴疏錄卷六十三

三

撰述

華嚴疏卷六十三

三

釋

如是所作充滿法界。

疏後結周徧稱性用故。

海幢比丘又於其身一切毛孔一一皆出阿僧祇佛刹微塵數光明網一一光明網俱阿僧祇色相。阿僧祇莊嚴阿僧祇境界阿僧祇事業充滿十方一切法界。

疏二總顯毛孔光明業用可知上來見定相用竟爾時善財童子一心觀察海幢比丘深生渴仰憶念彼三昧解脫思惟彼不思議菩薩三昧思惟彼不思議利益衆生方便海思惟彼不思議無作用普莊嚴門思惟彼莊嚴法界清淨智思惟彼受佛加持智思惟彼出生菩薩自在力思惟彼堅固菩薩大願力思惟彼增廣菩薩諸行力。

疏第三爾時善財童子一心下瞻敬證入中十句初句思人證人法界餘句思法證法法界於中初一句總謂三昧是體解脫是用體用合明二別思彼體次二句別思彼用一益生廣多二無思普徧卽用而寂故次二句思前體用所因一內智淨故二外緣加故後三句思其勝進依前體用進益後三故。

10 1 2 3 4 5 6 7 8 9

20

30

9

如是住立。思惟觀察。經一日一夜。乃至經於七日七夜。半月一月。乃至六月。復經六日。  
疏第四。如是住下。所經時分。六月六日者。第六住中滿第六度故。以法味資神故。身心都忘。不覺時久。

過此已後。海幢比丘從三昧出。

疏第五。過此已下。明出定者所作訖故。

善財童子讚言。聖者希有奇特。如此三昧最爲甚深。如此三昧最爲廣大。如此三昧境界無量。如此三昧神力難思。如此三昧光明無等。如此三昧莊嚴無數。如此三昧威力難制。如此三昧境界平等。如此三昧普照十方。如此三昧利益無限。以能除滅一切衆生無量苦故。所謂能令一切衆生離貧苦故。出地獄故。免畜生故。閉諸難門故。開人天道故。令人天衆生喜樂故。令其憂樂禪境界故。能令增長有爲樂故。能令顯示出有樂故。能爲引發菩提心故。能使增長福智行故。能令增長大悲心故。能令生起大願力故。能令明了菩薩道故。能使莊嚴究竟智故。能令趣入大乘境故。能令照了普賢行故。能令證得諸菩薩地智光明故。能令成就一切菩薩諸願行故。能令安住一切。

智智境界中故。

疏第二正明。咨問中二先讚後問。今初分二。初標讚深勝後以能除滅下出讚所因。由具此下諸因。故上云甚深廣大等。其中云能令增長有爲樂者。不捨有爲故。出有樂者不染有故。又上句爲凡夫。次句爲二乘。下云引發菩提卽爲大器。

聖者此三昧者名爲何等。

疏第二聖者此三昧者下正問有二問答。先問名後問用。初中先問後答。今初上旣修入何更問名。其猶世人得大王餚雖食勝味何必知名。

海幢比丘言。善男子。此三昧名普眼捨得。又名般若波羅蜜境界清淨光明。又名普莊嚴清淨門。善男子我以修習般若波羅蜜故得此普莊嚴清淨三昧等百萬阿僧祇三昧。

疏答有三名者。初一從智立。次一雙就境智。後一雙融境智立。名普眼捨得者。般若之智照一切法。故名普眼皆無所得。故云捨得。若有所得不能卽寂而用。以無所得卽無所不得。菩薩無得心無罣礙。諸佛無得則得菩提。昔云障無不寂曰捨理無不證曰得。非無此理而未造玄。一合稱中般若清

淨故境界清淨。清淨之境皆般若境故。三雙融立稱者。般若了境無境非般若。何所不嚴。故智論云。說智及智處俱名爲般若是。則若般若清淨。若境清淨。無二無二分無別無斷故。故一莊嚴。一切莊嚴。名普莊嚴。及攝眷屬可知。

善財童子言聖者。此三昧境界究竟唯如是耶。

疏二。善財童子言聖者下。向境界中先問後答。問云。唯如是者。上所目覩頗已修入視聽之外。更希異聞。

海幢言。善男子。入此三昧時。了知一切世界無所障礙。

往詣一切世界無所障礙。超過一切世界無所障礙。莊嚴一切世界無所障礙。修治一切世界無所障礙。嚴淨一切世界無所障礙。見一切佛無所障礙。觀一切佛廣大威德無所障礙。知一切佛自在神力無所障礙。證一切佛諸廣大力無所障礙。入一切佛諸功德海無所障礙。受一切佛無量妙法無所障礙。入一切佛法中修習妙行無所障礙。證一切佛轉法輪平等智無所障礙。入一切諸佛衆會道場海無所障礙。觀十方佛法無所障礙。大悲攝受十方衆生無所障礙。常起大慈充滿十方無所障礙。見十方佛心無

10 1 2 3 4 5 6 7 8 9

20 1 2 3 4 5 6 7 8 9

30

撰述

華嚴疏錄卷六十三

厭足無所障礙。入一切衆生海無所障礙。知一切衆生根海無所障礙。知一切衆生諸根差別智無所障礙。

一疏後答中皆是上來之所不及於中三。初明於器世間無礙。次見一切佛下。於智正覺世間無礙。後大悲攝受下於衆生世間無礙。其中見佛亦爲攝一生故文並可知。

善男子我唯知此一般若波羅蜜三昧光明。如諸菩薩入智慧海淨法界境。達一切趣徧無量刹。總持自在三昧清淨。神通廣大。辨才無盡。善說諸地爲衆生依而我何能知其妙行。辨其功德。了其所行。明其境界。究其願力。入其要門。達其所證。說其道分。住其三昧。見其心境。得其所有平等智慧。

疏第三謙已推勝中。初謙已知一。後如諸下推勝中二。先舉彼所知。後而我下顯不能測。

善男子從此南行有一住處名曰海潮。彼有園林。名普莊嚴。於其園中有優婆夷名曰休捨。汝往彼問菩薩云何學菩薩行修菩薩道。

疏第四指示後友中處名海潮者。但言有處則猶是前國顯方便行不離般若故。言海潮者謂潮所

至處顯方便就機。不過限故。亦將入生死海以濟物。故能知三世佛法海故。故上法門名爲海藏園。名普莊嚴者。約相廣有衆嚴故。約表以生死爲園苑。萬行爲莊嚴故。又文義相隨等莊嚴。總持無漏法故。友名休捨者。此云意樂。亦云希望。亦云滿願。謂隨衆生意樂。希望得圓滿故。亦能圓滿性相法故。前般若了真。故寄比丘。此以慈心方便入俗故。寄優婆夷矣。鈔顯方便行不離般若者。旣了俗由證真。故說後得明。不離也能知三世佛法者。上約善友釋。此約表位。經云佛子。此菩薩應勸學十

種廣大法。何等爲十。所謂說一卽多。說多卽一。文隨於義。義隨於文。非有卽有。有卽非有。無相卽相。相卽無相。無性卽性。性卽無性。卽廣大法海也。餘不可思準。

時善財童子於海幢比丘所得堅固身。獲妙法財。入深境界。智慧明徹。三昧照耀。住清淨解。見甚深法。其心安住諸清淨門。智慧光明。充滿十方。心生歡喜。踊躍無量。五體投地。頂禮其足。繞無量匝。恭敬瞻仰。思惟觀察。咨嗟戀慕。持其名號。想其容止。念其音聲。思其三昧。及彼大願所行境界。受其智慧清淨光明。辭

撰述

華嚴疏鈔卷六十三

三

退而行

信士朱世昌自捨資七兩七錢二分八釐刻此  
一卷

伏願

父母暮景康寧聞經信法自身弗祿如意當悟  
法界者

大方廣佛華嚴經疏鈔卷第六十三 終

### 大方廣佛華嚴經疏鈔卷六十四

于闐國三藏沙門實叉難陀 譯

### 入法界品第三十九之五

爾時善財童子蒙善知識力依善知識教念善知識語於善知識深心愛樂作是念言因善知識令我見佛因善知識令我聞法善知識者是我師傅示導於我諸佛法故善知識者是我眼目令我見佛如虛空故善知識者是我津濟令我得入諸佛如來蓮華池故漸漸南行至海潮處。

撰述

華嚴疏金鑑卷之十四

疏第七休捨優婆夷寄不退住。鈔寄不退住入於無生畢竟空理。心常行空無相願。止觀雙運緣不能壞湛猶澄海。

疏文中具六第一依教趣求中一先念前友教文有十句前五集經者序後五正陳所念可知。二漸次下趣求後友亦可知。

見普莊嚴園衆寶垣牆周帀圍繞。一切寶樹行列莊嚴。一切寶華樹雨衆妙華布散其地。一切寶香樹香氣氤氲普熏十方。一切寶鬱樹雨大寶鬘處處垂下。一切摩尼寶王樹雨大摩尼寶徧布充滿。一切寶衣

樹雨種種色衣隨其所應周帀敷布。一切音樂樹風動成音其音美妙過於天樂。一切莊嚴具樹各雨珍玩奇妙之物處處分布以爲嚴飾。其地清淨無有高下。於中具有百萬殿堂。大摩尼寶之所合成百萬樓閣。闇浮檀金以覆其上百萬宮殿。毘盧遮那摩尼寶間錯莊嚴。一萬浴池衆寶合成七寶欄楯周帀圍繞七寶階道四面分布八功德水湛然盈滿其水香氣如天栴檀金沙布底水清寶珠周徧間錯。鳬鴈孔雀俱枳羅鳥遊戲其中出和雅音寶多羅樹周帀行列覆以寶網垂諸金鈴微風徐搖恒出美音施大寶帳。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴疏錄卷六十四

寶樹圍繞建立無數摩尼寶幢光明普照百千由旬。其中復有百萬波池黑栴檀泥凝積其底一切妙寶以爲蓮華敷布水上大摩尼華光色照耀園中復有廣大宮殿名莊嚴幢海藏妙寶以爲其地毘琉璃寶以爲其柱闇浮檀金以覆其上光藏摩尼以爲莊嚴無數寶王光燄熾然重樓挾閣種種莊飾阿盧那香王覺悟香王皆出妙香普熏一切其宮殿中復有無量寶蓮華座周廻布列所謂照耀十方摩尼寶蓮華座毘盧遮那摩尼寶蓮華座照耀世間摩尼寶蓮華座妙藏摩尼寶蓮華座師子藏摩尼寶蓮華座離垢藏摩尼寶蓮華座普門摩尼寶蓮華座光嚴摩尼寶蓮華座安住大海藏清淨摩尼王寶蓮華座金剛師子摩尼寶蓮華座園中復有百萬種帳所謂衣帳鬢帳香帳華帳枝帳摩尼帳真金帳莊嚴具帳音樂帳象王神變帳馬王神變帳帝釋所著摩尼寶帳如是等其數百萬有百萬大寶網彌覆其上所謂寶鈴網寶蓋網寶身網海藏真珠網紺瑠璃摩尼寶網師子摩尼網月光摩尼網種種形像衆香網寶冠網寶瓔珞網如是等其數百萬有百萬大光明之所照耀所謂燄光摩尼寶光明日藏摩尼寶光明月幢摩尼寶

10 1 2 3 4 5 6 7 8 9 30 1 2 3 4 5 6 7 8 9

撰述

## 聖闡疏錄卷六十四

光明。香燄摩尼寶光明。勝藏摩尼寶光明。蓮華藏摩尼寶光明。燄幢摩尼寶光明。大燈摩尼寶光明。普照十方摩尼寶光明。香光摩尼寶光明。如是等其數百萬。常雨百萬莊嚴具。百萬黑栴檀香。出妙音聲。百萬出過諸天曼陀羅華。而以散之。百萬出過諸天瓔珞。以爲莊嚴。百萬出過諸天妙寶鬘帶。處處垂下。百萬出過諸天衆色妙衣。百萬雜色摩尼寶。妙光普照。百萬天子欣樂瞻仰。頭面作禮。百萬妓女於虛空中。投身而下。百萬菩薩恭敬親近常樂聞法。

疏第一覓普莊嚴下見敬諮問中三初見次敬後

諮問前中二先見依報殊勝。有十事莊嚴。一寶牆圍繞。二一切寶樹下林樹行列。三其地下堂閣崇麗。四一萬浴池下浴沼清華。五其中復有百萬陂下。映帶池流。六園中復有廣大下嚴敷殿座。卽別明善友所坐。先殿後座可知。七園中復有下羅以帳網。先帳後網。八有百萬大光下耀以光明。九常雨下雨散雜嚴。十百萬天子下凡聖欣敬。

時休捨優婆夷坐真金座。戴海藏真珠網冠。挂出過諸天真金寶釧垂紺青髮。大摩尼網莊嚴其首。師子口摩尼寶以爲耳璫。如意摩尼寶王以爲瓔珞。一切

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

寶網垂覆其身。百千億那由他衆生曲躬恭敬。東方有無量衆生來詣其所。所謂梵天。梵衆天。大梵天。梵輔天。自在天。乃至一切人及非人。南西北方四維上下。皆亦如是。其有見此優婆夷者。一切病苦悉得除滅。離煩惱垢。拔諸見刺。摧障礙山。入於無礙清淨境界。增明一切所有善根長養諸根。入一切智慧門。入一切總持門。一切三昧門。一切大願門。一切妙行門。一切功德門。皆得現前。其心廣大。具足神通。身無障礙。至一切處。爾時善財童子入普莊嚴園周徧觀察。見休捨優婆夷坐於妙座。

疏一時休捨下。明見正報端嚴於中四。正報殊常。一百千億下。十方雲仰。三真有見此下業用難測。四爾時善財入下。正見身儀。

往詣其所。頂禮其足。繞無數匝。白言聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我聞聖者善能誘誨。願爲我說。

疏一往詣其所下。設敬三白言聖者下。諮問法要。文並可知。

休捨告言善男子。我唯得菩薩一解脫門。若有見聞憶念於我。與我同住。供給我者。悉不唐捐。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏第三休捨告言善男子下稱讚授法畧無稱讚但有正示法界於中四一舉法門體用二窮因淺深三顯果久如四彰法名字今初分二先總舉體用名下當顯用約不空

善男子若有衆生不種善根不爲善友之所攝受不爲諸佛之所護念是人終不得見於我善男子其有衆生得見我者皆於阿耨多羅三藐三菩提獲不退轉善男子東方諸佛常來至此處於寶座爲我說法南西北方四維上下一切諸佛悉來至此處於寶座爲我說法善男子我常不離見佛聞法與諸菩薩而

共同住善男子我此大衆有八萬四千億那由他皆在此園與我同行悉於阿耨多羅三藐三菩提得不退轉其餘衆生住此園者亦皆普入不退轉位

疏一善男子若有下別明勝用於中二一明益物不空用先反後順見皆不退者顯若得方便至不退住故二善男子東方下諸佛被益用以與二寶同住故與我住皆悉不空三善男子我此下引證不空現與同住皆不退故亦表方便入俗則八萬塵勞皆成波羅蜜故

善財白言聖者發阿耨多羅三藐三菩提心爲久近

10 1 2 3 4 5 6 7 8 9

20 1 2 3 4 5 6 7 8 9

30

耶。答言善男子。我憶過去於然燈佛所。修行梵行。恭敬供養聞法受持。次前於離垢佛所。出家學道。受持正法。次前於妙幢佛所。次前於勝須彌佛所。次前於蓮華德藏佛所。次前於毘盧遮那佛所。次前於普眼佛所。次前於梵壽佛所。次前於金剛齊佛所。次前於婆樓那天佛所。善男子。我憶過去於無量劫無量生中。如是次第三十六恒河沙佛所。皆悉承事恭敬供養聞法受持淨修梵行。於此已往。佛智所知。非我能測。善男子。菩薩初發心無有量。充滿一切法界。故菩薩大悲門無有量。普入一切世間。故菩薩大願門無有量。究竟十方法界。故菩薩大慈門無有量。普覆一切衆生。故菩薩所修行無有量。於一切刹一切劫中。修習故。菩薩三昧力無有量。令菩薩道不退。故菩薩總持力無有量。能持一切世間。故菩薩智光力無有量。普能證入三世。故菩薩神通力無有量。普現一切利網。故菩薩辯才力無有量。一音一切悉解。故菩薩清淨身無有量。悉徧一切佛刹故。

疏一窮因淺深中。先問後答。答中二先約因緣答。婆樓那者。此云水也。總三十六恒沙者。近佛既多。發心已久。而要言三十六者。顯已過前六位。位位

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

具修六度。六六三十六。皆是恒沙性德。故云爾耳。涅槃亦有此數。後善男子菩薩初發心下。約心量。答意顯發心稱法界故。亦等衆生。衆生亦無初際。從癡有變而菩薩發心。癡變無初心。亦無終故。

鈔涅槃經中亦有此數者。卽第六經如來性品說。四依義後經云。迦葉菩薩白佛言。世尊。如是經典。正法滅時。正戒毀時。非法增長。無如法衆生時。誰聽受奉持。讀誦令其通利。供養恭敬書寫解脫。下取意引。爾時佛讚迦葉。善哉。善哉。善男子。汝今善能問如是義。善男子。若有衆生。一恒河沙佛所發

菩提心。乃能於惡世不謗是經。不能爲人分別廣說。若二恒河沙佛所發菩提心。乃能於惡世不謗。信樂受持。讀誦亦不能爲人演說。若三恒沙佛所發菩提心。具第二人德。雖爲人說。未解深義。若四恒沙佛所發心。亦具前德。爲他廣說。十六分中一分之義。雖復演說。亦不具足。若五恒沙佛所發心。能廣爲人說。十六分中八分之義。若六恒沙佛所發心。能廣爲人說。十六分中十二分之義。若七恒沙佛所發心。能廣爲他廣說。十六分中十四分義。若有於八恒沙佛所發心。然後乃能於惡世中。不謗是法。

佛說

華嚴疏金卷六十四

受持讀誦書寫經卷亦勸他人令得書寫自能聽受亦勸他人令得聽受通利等。然經但有積一至八三十六言乃是義取。一上加二爲三。三上加三爲六。六上加四爲十。十上加五爲十五。十五上加六爲二十一。二十一上加七爲二十八。二十八上加八爲三十六。是前積於八人。一三四等共爲三十六也。雖是義取理必應然。

善財童子言聖者久如當得阿耨多羅三藐三菩提。答言善男子。菩薩不爲教化調伏一衆生故發菩提心。不爲教化調伏百衆生故發菩提心。乃至不爲教化調伏不可說不可說轉衆生故發菩提心。不爲教化一世界衆生故發菩提心。乃至不爲教化不可說轉世界衆生故發菩提心。不爲教化閻浮提微塵數世界衆生故發菩提心。不爲教化三千大千世界微塵數世界衆生故發菩提心。乃至不爲教化不可說不可說轉三千大千世界微塵數世界衆生故發菩提心。不爲供養一如來故發菩提心。乃至不爲供養不可說不可說轉如來故發菩提心。不爲供養一世界中次第興世諸如來故發菩提心。乃至不爲供養不可說不可說轉世界中次第興世諸如來。

撰述

華嚴經卷六十四

九

三

故發菩提心。不爲供養一三千大千世界微塵數世界中次第興世。諸如來故發菩提心。乃至不爲供養不可說。不可說轉佛刹微塵數世界中次第興世。諸如來故發菩提心。不爲嚴淨一世界故發菩提心。乃至不爲嚴淨不可說。不可說轉世界故發菩提心。不爲嚴淨一三千大千世界微塵數世界故發菩提心。乃至不爲嚴淨不可說。不可說轉三千大千世界微塵數世界故發菩提心。不爲住持一如來遺法故發菩提心。乃至不爲住持不可說。不可說轉如來遺法故發菩提心。不爲住持一世界如來遺法故發菩提心。乃至不爲住持不可說。不可說轉世界如來遺法故發菩提心。不爲住持一闍浮提微塵數世界如來遺法故發菩提心。乃至不爲住持不可說。不可說轉佛刹微塵數世界如來遺法故發菩提心。如是畧說不爲滿一佛誓願故。不爲往一佛國土故。不爲入一佛衆會故。不爲持一佛法眼故。不爲轉一佛法輪故。不爲知一世界中諸劫次第故。不爲知一衆生心海故。不爲知一衆生根海故。不爲知一衆生業海故。不爲知一衆生行海故。不爲知一衆生煩惱海故。乃至不爲知不可說不可說。

轉佛刹微塵數衆生煩惱習海故發菩提心。

疏二顯果久近中亦先問後答答中明無齊限故不應作久近之間文中三初反釋無齊限於中先別明二十四句初八化生次六供佛次四嚴刹後六持法後如是畧說下總顯。

欲教化調伏一切衆生悉無餘故發菩提心欲承事供養一切諸佛悉無餘故發菩提心欲嚴淨一切諸佛國土悉無餘故發菩提心欲護持一切諸佛正教悉無餘故發菩提心欲成滿一切如來誓願悉無餘故發菩提心欲往一切諸佛國土悉無餘故發菩提心欲入一切諸佛衆會悉無餘故發菩提心欲知一切世界中諸劫次第悉無餘故發菩提心欲知一切衆生心海悉無餘故發菩提心欲知一切衆生根海悉無餘故發菩提心欲知一切衆生業海悉無餘故發菩提心欲知一切衆生行海悉無餘故發菩提心欲滅一切衆生諸煩惱海悉無餘故發菩提心欲拔一切衆生煩惱習海悉無餘故發菩提心善男子取要言之菩薩以如是等百萬阿僧祇方便行故發菩提心。

疏二欲教化調伏一切衆生下順釋無齊限亦有

撰述

## 別有總可知。

善男子。菩薩行普入一切法。皆證得故。普入一切刹。悉嚴淨。故是故善男子。嚴淨一切世界盡。我願乃盡拔一切衆生煩惱習氣盡。我願乃滿。

疏二。善男子。菩薩行普入下。總結無盡句。此同初地十無盡句。衆生無盡故。成佛無期。若爾。都無成耶。因此畧辨成不成義。勒爲四句。一以向約因緣厚薄。對今無盡。則有始而無成。此約悲門。得果不捨。因故。二以稱法界發心故。不見初相。方爲真成。則無始而有終。此約智說。三悲智合明。不壞相故。則無始終前後諸文。其例非一。四約稱性之談。則無終無始。故天女云。但以世俗文字數故。說有三世。非謂菩提有去來今。故下大願精進夜神云。不可以生死中長短劫數分別菩薩智輪等。融斯四句。無有障礙。欲成卽念念成。常成常不成。無有障礙。鈔故天女云者。卽淨名經前已引竟。

善財童子言。聖者。此解脫名爲何等。答言。善男子。此解脫名離憂安隱幢。

疏四。彰法名字。先問後答。答云。離憂安隱幢者。此有一義。一以大悲高顯。所以稱幢。其有見者。離業

撰述

聖嚴疏金卷六十四

惑。苦。不退菩提。是謂離憂安隱。一者卽智之悲。涉  
苦安隱卽悲之智。多劫無憂雙摧生死涅槃。特出  
凡小之外。故名幢矣。

善男子。我唯知此一解脫門。如諸菩薩摩訶薩。其心  
如海。悉能容受一切佛法。如須彌山。志意堅固。不  
可動搖。如善見藥。能除衆生煩惱重病。如明淨日。能破  
衆生無明暗障。猶如大地。能作一切衆生依處。猶如  
好風。能作一切衆生義利。猶如明燈。能爲衆生生智。  
慧光。猶如大雲。能爲衆生雨寂滅法。猶如淨月。能爲  
衆生放福德光。猶如帝釋。悉能守護一切衆生。而我  
云何能知能說彼功德行。

疏第四謙已推勝可知。

善男子。於此南方海潮之處。有一國土。名那羅素。中  
有仙人。名毘目瞿沙。汝詣彼問菩薩云何學菩薩行  
修菩薩道。

疏第五指示後友中。言海潮之處者。但約大悲攝  
物無失。受童真名。故不異前處。國名那羅素者。此  
云不懶惰。動利持利。觀利詣利。無休息故。仙人名  
毘目瞿沙者。梵言猶畧。若具應云。毘目多羅涅槃  
沙。此翻名最上。無恐怖聲。亦云毘沙摩。此云無怖

撰述

卷六十四

三

畏烏多羅。此云上涅瞿婆。此云出聲。一譯大同。謂常出增上無怖畏聲。安衆生故。彼住文云。出廣大徧滿音。以童真清潔無漏故。寄仙人表之。鈔彼住文云。出廣大徧滿音者。卽勝進十法中之一句耳。

時善財童子頂禮其足。繞無數帀。殷勤瞻仰。悲泣流淚。作是思惟。得菩提難。近善知識難。遇善知識難。得菩薩諸根難。淨菩薩諸根難。值同行善知識難。如理觀察難。依教修行難。值遇出生善心方便難。值遇增長一切智法光明難。作是念已。辭退而行。

爾時善財童子隨順思惟。菩薩正教隨順思惟。菩薩淨行。生增長菩薩福力。心生明見。一切諸佛心。生出生一切諸佛心。生增長一切大願心。生普見十方諸法心。生明照諸法實性心。生普散一切障礙心。生觀察法界無暗心。生清淨意寶莊嚴心。生摧伏一切衆魔心。漸漸遊行至那羅素國。周徧推求毘目瞿沙疏第八。毘目仙人寄童真住。六段初依教趣求中。初念前友教。有十二句。前二總明順前解行後十依前增進勝心。前四約福。後六約智。求友可知。鈔寄童真住者。心不生倒。不起邪魔破菩提心故。

撰述

聖嚴疏卷六十四

古

見一大林阿僧祇樹以爲莊嚴所謂種種葉樹扶疎布濩種種華樹開敷鮮榮種種果樹相續成熟種種寶樹雨摩尼果大栴檀樹處處行列諸沉水樹常出好香悅意香樹妙香莊嚴波吒羅樹四面圍繞尼拘律樹其身聳擢間浮檀樹常雨甘果優鉢羅華波頭摩華以嚴池沼時善財童子見彼仙人在栴檀樹下敷草而坐領徒一萬或著鹿皮或著樹皮或復編草以爲衣服髻環垂鬚前後圍繞

疏第二見一大下見敬諮問中三先見次敬後諮問今初分二先見依報樹名波吒羅者正如此方

欝樹尼拘律者如此方柳樹子似枇杷餘如音義後時善財童子見彼下見正報領徒一萬者表萬行故鈔正如此方欝樹甚有香氣其花紫色如此方柳樹子似枇杷子承蒂如柿然其種類耐老諸樹中最能高大

善財見已往詣其所五體投地作如是言我今得遇真善知識善知識者則是趣向一切智門令我得入真實道故善知識者則是趣向一切智乘令我得至如來地故善知識者則是趣向一切智船令我得至智寶洲故善知識者則是趣向一切智炬令我得生

提述

聖嚴疏金卷六十四

三

十力光故。善知識者。則是趣向一切智道。令我得入涅槃城故。善知識者。則是趣向一切智燈。令我得見夷險道故。善知識者。則是趣向一切智橋。令我得度險惡處故。善知識者。則是趣向一切智蓋。令我得生大慈涼故。善知識者。則是趣向一切智眼。令我得見法性門故。善知識者。則是趣向一切智潮。令我滿足大悲水故。作是語已。從地而起。繞無量匝。合掌前住。白言聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我聞聖者。善能誘誨。願爲我說。

疏一 善財見已下。設敬稱讚。於中三先身敬次言讚。見夷險者。涅槃爲夷平。生死爲險難。又二皆爲險。不住爲夷。餘可知。後作是語已下。重明身敬。將欲問故。三白言聖者下。諮問法要。

時毘目瞿沙。顧其徒衆。而作是言。善男子。此童子已發阿耨多羅三藐三菩提心。善男子。此童子普施一切衆生。無畏。此童子普與一切衆生利益。此童子常觀一切諸佛智海。此童子欲飲一切甘露法雨。此童子欲測一切廣大法海。此童子欲令衆生住智海中。此童子欲普發起廣大悲雲。此童子欲普用於廣大

撰述

聖嚴正金卷六十四

六

法雨。此童子欲以智月普照世間。此童子欲滅世間煩惱毒熱。此童子欲長含識一切善根。時諸仙衆聞是語已。各以種種上妙香華。散善財上。投身作禮。圍繞恭敬。作如是言。今此童子必當救護一切衆生。必當除滅諸地獄苦。必當永斷諸畜生道。必當轉去閻羅王界。必當關閉諸難處門。必當乾竭諸愛欲海。必令衆生永滅苦蘊。必當永破無明黑暗。必當永斷貪慾繫縛。必以福德大輪圍山圍繞世間。必以智慧大寶須彌顯示世間。必當出現清淨智日。必當開示善根法藏。必使世間明識險易。時毘目瞿沙告羣仙言。

善男子。若有能發阿耨多羅三藐三菩提心。必當成就一切智道。此善男子已發阿耨多羅三藐三菩提心。當淨一切佛功德地。

疏第三時毘目下。稱讚授法中一。先稱讚法器。後正授法要。今初中四一總讚發心。視徒衆者。令敬學故。次善男子此童子下。別讚發心之相。三時諸仙衆下。眷屬敬讚。言險易者。易亦平也。四時毘目下。述讚結果。

時毘目瞿沙告善財童子言。善男子。我得菩薩無勝幢解脫善財白言。聖者無勝幢解脫境界云何。時毘

撰述

聖嚴正金經卷六

七

七

目仙人卽申右手。摩善財頂。執善財手。卽時善財。自見其身。往十方十佛利微塵數世界中。到十佛利微塵數諸佛所。見彼佛利及其衆會。諸佛相好種種莊嚴。亦聞彼佛隨諸衆生心之所樂。而演說法一文一句。皆悉通達。各別受持。無有雜亂。亦知彼佛以種種解淨治諸願。亦知彼佛以清淨願成就諸力。亦見彼佛隨衆生心所現色相。亦見彼佛大光明網種種諸色清淨圓滿。亦知彼佛無礙智慧大光明力。又自見身於諸佛所。經一日夜或七日夜半月一月一年百年千年。或經億年。或阿彌多億年。或那由他億年。百年千劫。或經半劫。或經一劫。百劫千劫。或百千億乃至不可說不可說佛利微塵數劫。爾時善財童子爲菩薩無勝幢解脫智光明照故。得毘盧遮那藏三昧光明。爲無盡智解脫三昧光明照故。得普攝諸方陀羅尼光明爲金剛輪陀羅尼門光明照故。得極清淨智慧心三昧光明。爲普門莊嚴藏般若波羅蜜光明照故。得佛虛空藏輪三昧光明。爲一切佛法輪三昧光明照故。得三世無盡智三昧光明。

疏第一時毘目瞿沙告善財下。正授法要。文中有一初示法名體童真淨智變化自在高出功用之照故。得三世無盡智三昧光明。

疏第一時毘目瞿沙告善財下。正授法要。文中有一初示法名體童真淨智變化自在高出功用之照故。得三世無盡智三昧光明。

表所以名幢。相惑不動。故云無勝。卽此摧惑亦名幢義。一善財白言下。徵其境界。三時毘目下。授令證知。摩頂顯加持之相。執手表授與之義。約教相攝有力。故所見可知。鈔執手表授與之義。約教相說言相攝有力者。約義理說。上通諸教。此在華嚴。知識有力。善財無力。力攝無力。故因知識令善財見善財有力。則仙人無力。力攝無力。仙人所證善財皆得。故云相攝有力。

疏四爾時善財童子爲菩薩無勝下。得解脫益。文有十句五對。謂爲五法照得五種益。能照皆是無

勝幢之別名。然初對爲總。餘四爲別。展轉相生。且初總對。由見彼真智作用。卽知是法界體上寂而徧照。故云三昧光明。一卽上所得三昧光明。乃是能照之智。作用無盡之寂照。故得所照十方。智總持之明鑑無遺。三卽上總持以智爲體。堅利圓滿。由得此故。能令自心障淨智明。爲寂照之光。四得上淨智般若。則無行不嚴。無德不備。爲莊嚴藏。此光照心。能照如來法性空中。包含圓滿。正受現前。五上虛空藏輪。卽一切佛法圓滿寂照。以此照心。則智第三世無盡法源。此約展轉釋。若約能照。皆

撰述

卷六十四

五

是總中別義。則不相躡。義不異前。而其所得。卽三昧中事。鈔然初對下二展轉釋。則無勝幢之總爲第一能益。餘四展轉。皆以所益轉爲能益。若約能照下三就總別釋。無勝幢之總。舍於五義。初之一能。雖標總稱。卽受別名。故言能照。皆是總中別義。細尋可見。

時彼仙人放善財手。善財童子。卽自見身還在本處。時彼仙人告善財言。善男子。汝憶念耶。善財言。唯。此是聖者善知識力。

疏五時彼仙人放善財下。明捨加持所作訖。故還

在本處者。不移本處而徧十方。處既還本。時亦多劫。未逾一日。故近遠無礙。念劫圓融。皆圓教。善友法門之力。是以善財一生能辦多劫之行。普賢位內。或經不可說劫。非但三祇。皆法力加持。不應以時以處定斯玄旨。六時彼仙人告下。明言承領可知。鈔是以善財一生能辦多劫之行者。既善友力。晦息之間。或有佛所見經不可說。不可說佛利微塵數劫。修行不倦。何得一生不經多劫。仙人之力。長短自在故。如王質遇仙之棋。纔看斧柯爛。已經二歲。尚謂食頃。既能以長爲短。亦能以短爲長。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴師錄卷六十四

三

如周穆隨於幻人。雖經多年。實唯晦息。故結云不應以短長之時。廣狹之處。定其旨也。

仙人言。善男子。我唯知此菩薩無勝幢解脫。如諸菩薩摩訶薩成就一切殊勝三昧。於一切時而得自在。於一念頃。出生諸佛無量智慧。以佛智燈而爲莊嚴。普照世間。一念普入三世境界。分形徧往十方國土。智身普入一切法界。隨衆生心。普現其前。觀其根行。而爲利益。放淨光明。甚可愛樂。而我云何能知能說。彼功德行。彼殊勝願。彼莊嚴利。彼智境界。彼三昧所行。彼神通變化。彼解脫遊戲。彼身相差別。彼音聲清淨。彼智慧光明。

疏第四。仙人言下。謙已推勝。

善男子。於此南方有一聚落。名伊沙那。有婆羅門。名曰勝熟。汝詣彼問苦。菩薩云。何學苦。菩薩行修苦。菩薩第五。善男子於此下。指示後友。伊沙那者。此云長直。謂里巷徑永。表善知三際。故長善知勝義。故直。婆羅門。勝熟者。於五熱中。成勝行。故表體煩惱。熱成勝德。故不染煩惱。成淨行。故鈔表善知三際。故長善知勝義。故直者。卽義引第九住文。經云。此菩薩善知十種法。何等爲十。所謂善知諸衆生。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷六十四

受生善知諸業煩惱現起。善知習氣相續。善知所行方便。善知無量法。善解諸威儀。善知世界差別。善知前際後際事。善知演說世諦。善知演說第一義諦。釋曰若尅實取唯取第八及第十句。若通相說除第十句餘皆三際之法。

時善財童子歡喜踊躍頂禮其足繞無數帀殷勤瞻仰辭退南行。

爾時善財童子爲菩薩無勝幢解脫所照故。

疏第九勝熟善友寄王子住義如前釋文亦有六一依教趣入中二初證前後趣後前中二初顯證

所因 鈔寄王子住者從法王教生於正解當紹佛位故。

住諸佛不思議神力證菩薩不思議解脫神通智得菩薩不思議三昧智光明得一切時熏修三昧智光明得了知一切境界皆依想所住三昧智光明得一切世間殊勝智光明於一切處悉現其身以究竟智說無一二無分別平等法以明淨智普照境界凡所聞法皆能忍受清淨信解於法自性決定明了心恒不捨菩薩妙行求一切智永無退轉獲得十力智慧光明勤求妙法常無厭足以正修行入佛境界出生菩

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

薩無量莊嚴。無邊大願。悉已清淨。以無窮盡智。知無邊世界網。以無怯弱心。度無量衆生海。了無邊菩薩諸行境界。見無邊世界種種差別。見無邊世界種種莊嚴。人無邊世界微細境界。知無邊世界種種名號。知無邊世界種種言說。知無邊衆生種種解。見無邊衆生種種行。見無邊衆生成熟行。見無邊衆生差別想念。善知識漸次遊行。至伊沙那聚落。

疏後住諸佛下。正明證益。於中二先得自分益。後求一切智下。得勝進益。及於趣後文。並可知。

見彼勝熱修諸苦行。求一切智。四面火聚。猶如大山。

中有刀山。高峻無極。登彼山上。投身入火時。善財童子頂禮其足。合掌而立。作如是言。聖者。我已先發阿耨多羅三藐三菩提心。而未知菩薩云何學菩薩行云何修菩薩道。我聞聖者。善能誘誨。願爲我說。

疏第二見彼勝熱下。見敬諮問中二先見苦行。四面火聚者。更加頭上有日。卽五熱炙身。今但云四者。四句般若。皆燒感薪故。中有刀山者。無分別智。最居中道。無不割故。高而無上難可登故。故智論云。般若波羅蜜。猶如大火聚。四邊不可取。遠離於四句。四句卽四邊。取則燒人。離則成智。又火有四。

義一燒煩惱薪二破無明暗三成熟善根四照現證理投身入火者從無分別智徧入四句皆無滯故又釋刀是斷德無不割故火是智德無不照故投身下者障盡證理故卽刀山爲能證火聚爲所證故此火等卽是法門不須別表現所用故稱性事故此爲甚深難解不可輕爾二敬三問文並可知鈔故智論云般若波羅蜜猶如大火聚卽第二十論又釋刀是斷德等上雅約般若上說此下卽三德涅槃刀山是解脫德火是般若德理卽法身

婆羅門言善男子汝今若能上此刀山投身火聚諸菩薩行悉得清淨

疏第三婆羅門言下正示法界有六一示法勸修二疑憚不受三勝緣勸引四疑盡悔愆五誠勸見容六依教修證今初然刀山不可執火聚不可取若能不住無分別智徧入四句則遠離四謗不滯空有何行不成所以要令人者破其見心令解菩薩深密法故順相易解逆相難知故鈔今初以下疏文有三初直消文意卽就前約般若上說般若能成衆行故

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏此中示於邪見無厭足王示瞋婆須蜜女示貪顯三毒相並有正法故然有五義一當相即空空故是道非謂此三卽是佛法諸部般若其文非一鈔此中示下二通標三毒深玄之義諸部般若其文非一文中廣說三毒四倒悉皆清淨廣說貪欲瞋恚性皆空寂

疏二約幻用攝生亦非卽是如淨名云行於非道先以欲鉤牽後令人佛智等鈔如淨名行於非道者卽第二經佛道品文殊師利問維摩詰言菩薩云何通達佛道維摩詰言菩薩行於非道是爲乃至示行瞋恚而常慈愍皆言示行卽幻用攝生又云何爲如來種文殊答云有身爲種無明有愛爲種貪恚恚爲種等結云六十二見一切煩惱皆是佛種曰何謂也答曰若見無爲入正位者不能復發阿耨多羅三藐三菩提心譬如高原陸地不生蓮花等皆菩薩幻用化生言先以欲鉤牽者亦是此品淨名答普現色身之要言也經云示受於

五欲亦復現行禪令魔心憤亂不能得其便火中生蓮花是可爲希有在欲而行禪希有亦如是或現作姪女引諸好色者先以欲鈎牽後令人佛智既言現作明知幻用

疏三在感用心如俗流輩此在觀心爲道亦非卽道鈔三在感用心者以是俗流帶妻挾子是其常業未能捨事事上用心令了性空但我妄念未得自在非以爲是令惑漸薄便能遠離上經亦云菩薩在家與妻子俱未曾暫捨一切智心等

疏四留惑潤生長菩薩道亦非卽是如淨名云不入生死大海則不能生一切智寶等 鈔四留惑潤生出現已釋淨名不入生死大海此前喻云譬如意不入大海不能得無價寶珠

疏五當相卽道不同前四不思議故無行經云姪欲卽是道恚癡亦復然如是三法中具一切佛法亦斯義矣 鈔五當相卽道是道體故理無二味故無有一法非佛法故不思議故者總相歎也不可作欲等思故引無行經文前曾一用取欲空性則用初義今取卽道亦如智論第七喜根菩薩爲於勝意菩薩而說偈言姪欲卽是道恚癡亦復然

陁迦

聖嚴疏金卷第十四

如是三事中。無量諸佛道。若有人分別。姪怒癡及  
道是人去佛遠。譬如天與地道及姪怒癡是一法  
平等。若人聞怖畏去佛道甚遠。姪法不生滅。不能  
令心惱。若人計吾我姪將入惡道見有無異。行是  
不離無有。若知有無等。超勝成佛道。都說七十餘  
偈。皆卽道也。喜根於今現在東方過十億佛土作  
佛。其國土亦號寶藏。佛號光渝日月王。文殊言勝  
意比丘。我身是也。爾時不信受無量菩佛問聞偈  
得何益。答能畢衆苦。世世利根解深妙法等。

時善財童子作如是念。得人身難。離諸難難。得無難  
難。得淨法難。得值佛難。具諸根難。聞佛法難。遇善人  
難。逢真善知識難。受如理正教難。得正命難。隨法行  
難。此將非魔魔所使耶。將非是魔險惡徒黨。詳現菩  
薩善知識相。而欲爲我作善根難。作壽命難。障我修  
行一切智道。牽我令入諸惡道中。欲障我法門。障我  
佛法。

疏二時善財童子作如是下。疑憚不受。非惜身命。  
恐失道緣。示智未深。故生此念。文中先明道緣難  
具於中離諸難者。非佛前後等。得無難者。非生聲  
等。具諸根者。謂信進等。後此將非下正疑魔壞。

撰述

聖魔真言卷六十四

三

卷六十四

作是念時。十千梵天在虛空中。作如是言。善男子。莫作是念。莫作是念。今此聖者。得金剛燄三昧光明。發大精進度諸衆生。心無退轉。欲竭一切貪愛海。欲截一切邪見網。欲燒一切煩惱薪。欲照一切惑稠林。欲斷一切老死怖。欲壞一切三世障。欲放一切法光明。善男子。我諸梵天多著邪見。皆悉自謂是自在者。是能作者。於世間中。我是最勝。見婆羅門五熱炙身。於自宮殿心不樂著。於諸禪定不得滋味。皆共來詣婆羅門。時婆羅門以神通力示大苦行。爲我說法。能令我等滅一切見。除一切慢。住於大慈行。於大悲起。

廣大心發菩提意。常見諸佛。恒聞妙法。於一切處。心無所礙。

疏二作是念時下。勝緣勸引中。有十二衆各述曾爲勝緣化益。故勸勿疑。初一卽色界梵天多是初禪文中有三。一總勸莫疑。二今此下彰其本意。智慧堅利。猶如金剛。燒諸惑薪。發諸智焰。燒而常寂。爲三昧光。三善男子下。自述蒙益。梵王最初生此餘衆念。而後生故。生邪見。

復有十千諸魔在虛空中。以天摩尼寶散婆羅門上。告善財言。善男子。此婆羅門五熱炙身時。其火光明。

曠奪於我所有宮殿諸莊嚴具皆如聚墨。令我於中不生樂著我與眷屬來詣其所此婆羅門爲我說法令我及餘無量天子諸天女等皆於阿耨多羅三藐三菩提得不退轉復有十千自在天王於虛空中各散天華作如是言善男子此婆羅門五熱灸身時其火光明曠奪我等所有宮殿諸莊嚴具皆如聚墨令我於中不生愛著卽與眷屬來詣其所此婆羅門爲我說法令我於心而得自在於煩惱中而得自在於受生中而得自在於諸業障而得自在於莊嚴具而得自在於壽命中而得自在乃至能於一切佛法而

得自在復有十千化樂天王於虛空中作天音樂恭敬供養作如是言善男子此婆羅門五熱灸身時其火光明照我宮殿諸莊嚴具及諸殊女能令我等不受欲樂不求欲樂身心柔軟卽與衆俱來詣其所時婆羅門爲我說法能令我等心得清淨心得明潔心得純善心得柔軟心生歡喜乃至令得清淨十力清淨之身生無量身乃至令得佛身佛語佛聲佛心具足成就一切智智復有十千兜率天王天子天女無量眷屬於虛空中雨衆妙香恭敬頂禮作如是言善男子此婆羅門五熱灸身時令我等諸天及其眷屬

撰述

聖經正義卷六十四

三

於自宮殿無有樂著。共詣其所。聞其說法。能令我等不貪境界。少欲知足心生歡喜。心得充滿。生諸善根。發菩提心。乃至圓滿。一切佛法。復有十千三十三天。并其眷屬。天子天女。前後圍繞於虛空中。雨天曼陀羅華。恭敬供養。作如是言。善男子。此婆羅門五熱炙身時。令我等諸天於天音樂不生樂著。共詣其所。時婆羅門爲我等說。一切諸法無常敗壞。令我捨離一切欲樂。令我斷除憍慢放逸。令我愛樂無上菩提。又善男子。我當見此婆羅門時。須彌山頂六種震動。我等恐怖。皆發菩提心。堅固不動。

## 疏次五欲天。

復有十千龍王。所謂伊那跋羅龍王。難陀優波難陀龍王等。於虛空中。雨黑栴檀無量龍女。奏天音樂。雨天妙華及天香水。恭敬供養。作如是言。善男子。此婆羅門五熱炙身時。其火光明普照。一切諸龍宮殿。令諸龍衆離熱沙怖。金翅鳥怖。滅除瞋恚。身得清涼。心無垢濁。聞法信解厭惡。龍趣以至誠心。悔除業障。乃至發阿耨多羅三藐三菩提意。住一切智。復有十夜叉王。於虛空中。以種種供具。恭敬供養。此婆羅門。及以善財。作如是言。善男子。此婆羅門五熱炙身時。

撰述

聖嚴金剛經卷六十四

三

甲

我及眷屬悉於衆生發慈愍心。一切羅刹鳩槃茶等亦生慈心。以慈心故於諸衆生無所惱害而來見我。我及彼等於自宮殿不生樂著。卽與共俱來詣其所。時婆羅門卽爲我等如應說法。一切皆得身心安樂。又令無量夜叉羅刹鳩槃茶等發於無上菩提之心。復有十千乾闥婆王於虛空中作如是言。善男子。此婆羅門五熱炙身時其火光明照我宮殿悉令我等受不思議無量快樂。是故我等來詣其所。此婆羅門爲我說法能令我等於阿耨多羅三藐三菩提得不退轉。復有十千阿修羅王從大海出住在虛空舒右

膝輪合掌前禮作如是言。善男子。此婆羅門五熱炙身時我阿修羅所有宮殿大海大地悉皆震動。令我等捨憍慢放逸。是故我等來詣其所。從其聞法捨離詣誑安住忍地堅固不動圓滿十力。復有十千迦樓羅王。勇力持王而爲上首化作外道童子之形。於虛空中唱如是言。善男子。此婆羅門五熱炙身時其火光明照我宮殿一切震動皆悉恐怖。是故我等來詣其所。時婆羅門卽爲我等如應說法令修習大慈稱讚大悲度生死海於欲泥中拔濟衆生歎菩提心起方便智隨其所宜調伏衆生。復有十千緊那羅王於

撰述

華嚴疏錄卷六十四

三

卷六十四

虛空中。唱如是言。善男子。此婆羅門。五熱炙身時。我等所住宮殿。諸多羅樹。諸寶鈴網。諸寶繒帶。諸音樂樹。諸妙寶樹。及諸樂器。自然而出佛聲法聲。及不退轉菩薩僧聲。願求無上菩提之聲。云某方某國。有某菩薩。發菩提心。某方某國。有某菩薩修行苦行。難捨能捨。乃至清淨一切智行。某方某國。有某菩薩。往詣道場。乃至某方某國。有某如來作佛事已。而般涅槃。善男子。假使有人以闇浮提一切草木。末爲微塵。此微塵數。可知邊際。我宮殿中。寶多羅樹。乃至樂器。所說菩薩名。如來名。所發大願。所修行等。無有能得知。某邊際。善男子。我等以聞佛聲法聲。菩薩僧聲。生大歡喜。來詣其所。時婆羅門。卽爲我等。如應說法。令我及餘無量衆生。於阿耨多羅三藐三菩提得不退轉。

## 疏次六雜類。

復有無量欲界諸天。於虛空中。以妙供具。恭敬供養。唱如是言。善男子。此婆羅門。五熱炙身時。其火光明。照阿鼻等一切地獄。諸所受苦。悉令休息。我等見此火光明故。心生淨信。以信心故。從彼命終。生於天中。爲知恩故。而來其所。恭敬瞻仰。無有厭足時。婆羅門爲我說法。令無量衆生。發菩提心。

撰述

垂露真金卷六十四

疏十三欲界諸天衆然此欲界卽是一類從地獄出者義通六天及前夜摩四王前所不列皆在其中。

爾時善財童子聞如是法心大歡喜於婆羅門所發起真實善知識心頭頂禮敬唱如是言我於大聖善知識所生不善心唯願聖者容我悔過。

疏第四爾時善財聞如是下疑盡悔愆時婆羅門卽爲善財而說頌言。

若有諸菩薩順善知識教一切無疑懼安住心不動當知如是人必獲廣大利坐菩提樹下成於無上覺疏第五時婆羅門下誠勸見容上疑爲揀其真偽此勸爲顯其實德

疏魔亦能爲現勸何故聞卽疑除以此善友前友指來況勸中正說非魔能作善財亦得超魔之眼故若爾何以生疑以顯法故如第八地中佛之七勸縱佛不勸豈容趣寂又爲後代之軌令審察故爾時善財童子卽登刀山自投火聚未至中間卽得菩薩善住三昧纔觸火燄又得菩薩寂靜樂神通三昧善財白言甚奇聖者如是刀山及大火聚我身觸時安隱快樂

撰述

玉藏山錄卷六十四

疏第六。爾時善財下依教修證於中二初正修證未至得善住三昧者上不依山下不依火正處於空卽顯般若離於二邊無所住故名爲善住寂靜樂神通三昧者親證般若實體卽性淨涅槃故云寂靜樂而大用無涯故云神通觸者親證也故淨名云受諸觸如智證一善財白言下自陳所得顯後得起說鈔故淨名云受諸觸如智證者卽迦葉章中謂智證實相則觸而非觸觸而非觸受觸當然心境兩冥名爲親證

時婆羅門告善財言善男子我唯得此菩薩無盡輪

解脫如諸菩薩摩訶薩大功德談能燒一切衆生見惑令無有餘必不退轉無窮盡心無懈怠心無怯弱心發如金剛藏那羅延心疾修諸行無遲緩心願如風輪普持一切精進大誓皆無退轉而我云何能知能說彼功德行

疏第四謙已推勝謙中云無盡輪者有一義一智輪摧惑照其本源無可盡故一反常智用用周法界無有盡故圓轉不已所以名輪推勝可知

善男子於此南方有城名師子奮迅中有童女名曰慈行汝詣彼問菩薩云何學告薩行修菩薩道

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

疏第五指示後友師子奮迅者師子幢王所居表  
振動照耀住持世界自在無畏故慈行童女者知  
衆生根令其調伏慈爲行故智中生悲便能處世  
無染是謂童女以學如來十種智故 鈔表振動  
等者彼經云佛子云何爲菩薩灌頂住此菩薩成  
就十種智何者爲十所謂振動無數世界二照耀  
風三住持四往詣五嚴淨上四皆同初句六開示無  
數衆生七觀察無數衆生八知無數衆生根九令  
無數衆生趣入十令無量衆生調伏今以無畏貫  
斯十句

時善財童子頂禮其足繞無數帀辭退而去

仁和信士張鶴舉捐資五兩五錢一分刻此  
一卷伏願離憂安隱如休捨之解脫執手摩  
頂獲毘目之神通乃至火聚清涼等於勝熱  
現生

父母法界冤親伏此發心均沾利益者

大方廣佛華嚴經疏鈔卷六十四 終

支那

居士

三



天子貴華麗至簡也卷六十四  
都御史張公在知事政事  
庚午  
所妻吳氏故  
大樂司京  
三十日  
未升廟  
所妻吳氏  
大樂司  
數衆士味計士  
正直正經江  
無數衆生趣入  
今無量衆生調伏  
持善根童子貢  
其五善無遺市  
輸取而去

10  
1  
2  
3  
4  
5  
6  
7  
8  
9

20

1  
2  
3  
4  
5  
6  
7  
8  
9

30

1  
2  
3  
4  
5  
6  
7  
8  
9

テノ四